

外科心法

薛氏醫酉按

辨科心法卷之四

薛氏醫按

吳郡薛 已著

新都吳玄有校

瘡瘍作渴

開化吾進士年三十面患瘡已潰作渴自服托裡及
降火藥不應予診其脉浮而弱丹溪云潰瘍作渴屬
氣血俱虛况脉浮弱投以參耆各三錢歸朮熟地各
二錢數服渴止又以八珍湯加黃耆數劑脉斂而愈
予治瘡瘍作渴不問腫潰但脉數發熱而渴以竹葉
黃耆湯治之脉不數不發熱或脉數無力而渴或口

乾以補中益氣湯若脉數而便秘以清涼飲天脉洪
大按之無力而渴以加減八味丸並効若治口燥舌
黃飲水不歇此丸尤効

一男子渴後背發疽未潰脉數無力此陰虛火動用
加減八味丸呔咀二劑稍緩次用丸劑而愈葉司訓
腦患疽亦作渴脉雖洪按之無力以此藥治之不信
自用滋陰等藥愈甚七惡併至而歿精要云患疽之
人雖云有熱皆因虛而得之愈後發渴及先渴而後
疽非加減八味丸不能治

一男子年踰五十腋下患毒瘡口不合右關脉數而

渴此胃火所致用竹葉黃芪湯遂止再用補氣藥而愈嘗治午後發渴或發熱用地骨皮散亦効

一男子患痔漏口乾胃脉弱此中氣不足津液短少不能上潤而然以黃芪六一湯七味白朮散治之或曰諸痛痒瘡皆屬心火遂服苦寒之藥大便不禁而效夫諸痛痒瘡皆屬心火言其常也始熱終寒則反常矣可泥此而不察乎

李氏論人病疽多有愈後發渴而不救者治之惟加減八味丸最妙疽安而渴者服此丸則渴止疽安而未渴者預服此丸則永不生渴氣血加壯或未發疽

而先發渴者服此不惟渴止疰亦不作又云一貴人
病疰未安而渴作一日飲水數升予以加減八味丸
治之諸醫大笑云此能止渴我輩當不復業醫皆用
木瓜紫蘇烏梅人參茯苓百藥煎等劑服多而渴愈
甚不得已用此藥三日渴止久服遂不復渴飲食加
倍健於少壯蓋此藥非出鄙見自為兒時聞先君言
有人病渴用渴藥累年不愈一名醫使服此藥不半
年而愈其效本以腎水枯竭不能制火心火上炎是
以生渴此藥降火為最降心火生腎水親用之嘗驗

患者當知所鑒

詳見外科精要

瘡瘍便秘

傅允承母年踰七十腰生一癰作痒異常疑由蟲所
毒診脉浮數齊氏云浮數之脉而反惡寒瘡疽之謂
也又云外如麻裏如爪疽毒在內翌日復診脉乃弱
予謂未潰而脉先弱何以收斂况大便不通則真氣
已竭治之無功其子固請不得已用六君子湯加藿
香神曲飲食漸進大便始通更用峻補之劑潰而膿
清作渴再用參芪當歸熟地黃麥門冬五味子而渴
止允承喜曰吾母可無虞矣予謂不然不能收斂先
入之言也彼疑遂速他醫果不起

浙江俞上舍年五十患癰將痊大便閉澀服芩連等藥反廢飲食予用益氣血之劑加桃仁蘇仁亦未效更以猪胆汁一碗納谷道始效更以養血氣藥而平原病式云諸澀枯涸皆屬於燥燥者火之氣病後血衰故大便閉澀宜以辛甘之藥潤之如用寒苦之藥則胃氣伐矣若老弱或產後而便難者皆氣血虛也胆汁最効尋常上部枯燥者以酒調服亦佳

膿熟開遲

蘇州施二守悌項下患毒膿已成因畏針焮延至胸赤如霞其脉滑數飲食不進月餘不寐甚倦予密針

之膿出卽睡覺而思食用托裏藥兩月餘而愈又一
人患此及時針刺數日而愈劉壘素虛患此不針潰
透頷頰氣血愈虛竟不救

廣東王上舍患附骨癰畏針不開臀膝通潰脉數發
渴煩燥時嗽飲食少思齊氏曰瘡瘍煩燥時嗽腹痛
渴甚或瀉利無度或小便如淋此惡證也膿出之後
若脉洪數難治微瀉遲緩易治遂刺之膿出四五碗
許卽服大劑參芪歸朮翌日脉稍斂更以八珍湯加
五味麥門肉桂白斂三十餘劑脉緩膿稠三月而愈
王太守宜人患發背膿熟不開昏悶不食此毒入內

也斷不治強之針膿碗許稍蘇須臾竟亾大抵血氣
壯實膿自湧出老弱之人氣血枯槁必須迎而奪之
順而取之若毒結四肢砭刺少緩腐潰深大亦難收
歛痛結於頰項胃腹緊要之地不問壯弱急宜針刺
否則難治

梁閣老孫甫周歲項患胎毒予俟其有膿刺之膿出
碗許乳食如常用托裏藥月餘而愈斬閣老子亦患
此待膿自出幾至不救吾鄉徐內翰子患痘毒及時
針刺毒不內侵數日而愈大抵古人制法淺宜砭而
深宜刺使瘀血去於毒聚之始則易消況小兒氣血

又弱膿成而不針，斂鮮不斂矣。

一老人腿患附骨疽，腫硬大，按方痛，口乾，脈弱，腫聚不潰，飲食少，思予謂腫下而堅者，發於筋骨，皮色不變者，發於骨髓，遂以參耆等藥托之，三十餘劑，膿雖熟不穿，予謂藥力難達，必須針刺，不聽。至旬日，方刺之，湧出清膿五六碗許，然衰老之人，氣血不足，養毒又久，竟不治。大抵瘡疽旬日不退，宜托之，有膿刺之，有腐肉取之，虛則補之，此十全之功也。

滕千兵年踰五十，臀患癰膿，熟不開，攻通大肛，膿從大便而出，予辭不能治。果斂丹溪云：臀居小腹之後。

陰中之陰也道遠位僻血亦罕周中年後尤慮患此
况膿成不刺欲不亾得乎

腐肉去遲

鄭揮使年踰五十患發背形證俱虛用托裏藥而潰
但有腐肉當去彼懼不肯延至旬日則好肉皆敗矣
雖投大劑毒甚竟不救古人謂壞肉惡於狼虎毒於
蜂螫緩去之則戕賊性命信哉

陰證似陽

舉人潘光甫年踰四十患腦疽腫焮診其脉沉靜予
謂此陽證陰脉斷不起已而果然蓋瘡疽之證雖屬

心火亢當分表裏虛實果元氣充實內有實火者寒劑或可責効若寒涼過度使胃寒脾弱陽證變陰或結而不潰或潰而不斂陰陽乖戾水火交爭死無日矣

陽瘡似陰

太監劉闕患發背予奉 旨往治腫痛色紫診其脉息沉數陳良甫云脉數發熱而痛者發於陽也且瘡瘍赤甚則紫卽火極似水也詢之嘗服透骨丹半載乃積溫成熱所致遂以內疎黃連湯再服稍平更用排膿消毒藥及猪蹄湯太乙膏而愈經曰色與脉當

相參應治之者在明亢害承制之理陰陽變化之機
焉耳

用藥生肌

姑蘇黃汝耘年踰五十患發背用生肌藥太早背竟
腐潰更泄瀉脉微緩予以二神丸先止其瀉次以大
補藥治之用猪蹄湯洗淨以黃耆末填滿患處乃用
膏藥喜其初起時曾用蒜多灸故毒不內攻兩月而
愈

許序班患發背十餘日瘡頭如粟許腫硬木悶肉色
不變寒熱拘急脉沉實此毒在內也先以黃連內疎

湯次用消毒托裏藥其毒始發奈欲速急用生肌藥
患處忽若負重身如火燉後竟不起東垣云毒氣未
盡不可用生肌藥縱得平復必再發若毒氣入腹十
死八九大抵毒氣盡脾氣壯則肌肉自生生肌藥可
弗用矣

毒入內

張宜人年踰六十患發背二日肉色不變頭如粟許
肩背加重寒熱飲冷脉洪數陳良甫云外如麻裏如
瓜齊氏云增寒壯熱所患必深又云肉色不變發于
內也予以人參敗毒散二劑及隔蒜灸五十餘壯毒

始發背始輕再用托裏藥漸潰顧氣血虛甚而作渴
參耆當歸熟地等藥渴亦止彼欲速自用草藥輒患
處毒氣復入遂不救嘗見老弱者患此瘡頭不起或
堅如牛領之皮多不待潰而死有潰後氣血不能培
養者亦死凡瘡初潰毒正發越宜用膏藥吸之參耆
等藥托之若反以藥遏之使毒氣內攻者必不救

智化寺一僧患瘡疥自用雄黃艾葉等藥燃于被中
薰之翌日遍身嫩腫皮破水出飲食不入予授以解
藥不應而死蓋藥毒薰入腹內而散真氣其禍如此

喉閉

附諸骨鯁并稻麥芒在
喉及誤吞金銀銅錢

蕭田史侍御患喉閉以防風通聖散治之腫不能嚥
予謂此症須針乃可奈牙關已閉遂刺少商穴出血
口卽開更以膽礬吹患處吐痰二碗許仍投前藥而
愈嘗見患此疾者畏針不刺多斃

少商穴在手大指
內側去爪甲如韭

葉許

于縣尹喉閉腫痛寒熱脉洪數此少陰心火少陽相
火二經爲病其證最惡惟刺患處出血爲上因彼畏
針先以涼膈散服之藥從鼻出急乃願刺則牙關已
緊不可針遂刺少商二穴以手勒去黑血口卽開仍
刺喉間治以前藥及金鑰匙吹之頓退又以人參敗

毒散加芩連玄參牛蒡子四劑而平經曰火鬱發之
謂發汗出血乃發汗之一端也河間云治喉閉之火
與救火同不容少怠常見喉閉不去血喉風不去痰
以至不救者多矣每治咽喉腫痛或生瘡毒以荆防
敗毒散加芩連重者用防風通聖散並效
杜舉人咽喉腫痛口舌生瘡先以清咽消毒散二服
更以玄參升麻湯而愈

一男子年三十餘口舌常破如無皮狀或咽喉作病
服清咽利膈散愈甚予以理中湯治之而愈

聘士王文遠咽喉腫痛口舌生瘡勞而愈盛以補卑

益氣湯加玄參酒炒知母黃柏治之而愈

一男子咽喉作痛午後尤甚以四物湯加酒炒黃柏

知母桔梗治之而愈

治諸骨鯁象牙末吹患處或取犬涎徐徐嚥下立效

治穀麥芒在咽不出取雞鶩涎含之立消

諸骨鯁用芋根搗爛丸如彈子大就將所鯁物煎湯

化下又方食橄欖或用核爲末含之亦効

治誤吞金銀等物多食諸般肥肉膏滑自從大便出

治誤吞銅錢用炭末白湯調服或多食蜜或飴糖自

從大便出或多食葶薺或胡桃肉錢自消

治誤吞針用磁石如棗核大磨令光鑽一孔用線穿
令含之針自口出

口齒咽喉并腎虛耳痛

大宗伯毛公齒痛胃脉無力用補中益氣湯加生地
黃牡丹皮治之而愈

党吏部頰顛腫焮至牙齦右關脉數此胃經風熱上
攻也以犀角升麻湯治之而消

郭職方齒腫痛焮至頰顛素善飲治以清胃散數劑
而愈

一男子患齒痛服清胃散不應服涼膈散愈盛子用

補腎丸治之而愈

一男子耳內出膿或痛或痒服聰耳益氣湯不應服
防風通聖散愈甚三以補腎丸治之而愈

古今圖書集成

醫部全錄

卷之七十八 醫部全錄

中氣升及血之而愈

元氣虧損則脈微

也也耳角升則脈治之

持風亟聖錯愈甚又以脈

一長于其內出熱為脈左

脈習武部之而愈

瘰癧

沈氏室患瘰癧久而不消自汗惡寒此氣血俱虛也
遂以十全大補湯月餘而潰然堅核難取而瘡口不
斂更灸以豆豉餅仍與前藥加烏藥香附兩月而愈
大抵堅而不潰潰而不合皆由氣不足也嘗見患此
瘡者瘡口雖合而不加補往往變爲瘰癧症若發寒熱
眼內有赤脉貫瞳子俱不治一脉者一年死二脉者
二年死
一婦人因怒耳下腫痛以荆防敗毒散加連翹黃芩
四貼而愈嘗治此旬日不消者以益氣血藥及飲遠

志酒其腫自消若無膿者亦自潰不戒忿怒者難治
一婦人亦因怒耳下焮腫頭痛寒熱與荆防敗毒散
加黃芩治之表證悉退但飲食少思日晡發熱東垣
云雖有虛熱不可太攻熱去則寒生也遂以小柴胡
湯加地骨皮川芎當歸茯苓白朮陳皮十餘貼而愈
次年春復腫堅不潰來索方予定八珍湯加香附柴
胡地骨皮桔梗自製服之至六七劑以爲延緩仍服
人參敗毒散勢愈盛又服流氣飲則盜汗發熱口乾
少食至秋復求治診視氣血虛極予辭不治果歿今
人有瘡瘍不審元氣虛實病在表裏便服敗毒流氣

藥殊不知敗毒散乃發表之藥果有表證亦止宜
二服多則元氣反損其毒愈盛雖有人參莫補流氣
飲乃耗血之劑果氣結膈滿亦止宜二三服多則血
氣愈傷反爲敗症雖有芎歸難以倚仗丹溪云此不
係膏粱丹毒之變因虛勞氣鬱所致也

一婦人患瘰癧不消膿清不斂予以八珍湯治之少
愈忽肩背痛不能回顧此胸膈經氣鬱所致當以防
風通氣湯治之蓋胸膈之脉始於目內眥上頂巔下
耳角復上頂至腦後過風府下項走肩膊一支下腰
脊是經氣動則脊痛項強腰似折按此非胸膈經證

而何彼乃云瘰癧膽經病也其脉主行項側卽是經
火動而然遂自服清肝降火之藥反致不食痛盛復
請予診其脉胃氣愈弱先以四君子湯加陳皮炒芍
藥半夏羌活蔓荊子四劑食進痛止繼以防風通氣
湯二劑而愈又一婦流注潰久忽發熱乃虛也與補
藥二劑不用另用人參敗毒散大熱而瘳夫老弱之
人雖有風邪亦宜以補中益氣湯治之況又非表證
而峻表不死何俟

田氏婦年踰三十患瘰癧已潰不愈與八珍湯加柴
胡地骨夏枯草香附貝母五十餘劑形氣漸轉更與

必効散二服瘡口遂合惟氣血未平再用前藥三十
餘劑而平後田生執此散不問虛實槩以治人殊不
知散中斑蝥性毒雖專治瘰癧多服則損元氣若氣
血實者先用此下之而投補劑或可愈若虛而用此
藥或追蝕藥瘡肉雖去而瘡口不合反致難治

一男子因怒耳下及缺盆患癰潰延腋下行氣頗實
瘡口不合以散腫潰堅丸治之而愈又一婦患此氣
血不弱亦服此丸其核並消而瘡口不斂更以十全
大補湯及灸以豆豉餅始痊

廣東陳方伯子遠途勞倦發熱脉大無力耳下患腫

此勞損症也飲補中益氣湯自然熱退腫消若專攻
毒則有虛虛之禍彼不聽服降火藥及必効散果吐
瀉不食而死夫人勞倦則損氣氣衰則火旺火旺則
乘其脾土故倦怠而熱此元氣傷也丹溪云宜補形
氣調經脉其瘡自消不可汗下若不詳脉證經絡受
病之異而輒下之鮮不危矣

汪中翰姪年及二十耳下患癰焮痛左關脉數此肝
經風熱所致以荆防敗毒散三貼表症悉退再與散
腫潰堅九月餘而平復

一婦年二十耳下結核經水每過期午後頭痛服頭

風藥愈盛予以八珍湯加柴胡地骨皮二十餘劑而愈

楊文魁年踰三十每勞心過度頸腫發熱服敗毒散愈盛予以補中益氣湯數劑而消

流注

陳進士遂初年踰三十患腹腫硬踰年而瘡頭破時出血水此七情所傷柴氣絕於肉理而然名曰流注診之肝脉瀦蓋肝病脉不宜瀦小腹正屬肝經須瀦脉退乃可愈予欲以其溫之劑補其氣血令自消潰彼不信仍服攻伐之藥致氣血愈虛果歿于金旺之

月丹溪云諸經惟少陽厥陰之生癰疽宜預防之以其多氣少血也少血而肌肉難長瘡久不合必成敗症苟不知此輒用峻利毒藥以伐其陰分之血則其禍不旋踵矣

一室女背髀結一核如錢大而不焮但倦怠少食日晡發熱脉軟而瀉此虛勞氣鬱所致也予用益氣養血開鬱之藥復令飲人乳精神稍健彼不深信又服流氣飲食遂少四肢痿軟其父悔之復請予治予以爲決不可起矣後果斃

一男子年三十餘歲素飢寒患右肋腫如覆瓢轉側

作水聲脉數經曰陰虛陽氣湊襲寒化爲熱熱甚則肉腐爲膿即此證也及按其腫處即起是膿已成矣遂以濃煎黃耆六一湯令先飲二鍾然後針之膿出數碗許虛症並至遂以大補藥治之三月餘而愈大抵膿血大泄氣血必虛當峻補之雖有他病皆宜緩治蓋元氣一復諸病自退若老弱之人不問腫潰尤當補也

一婦人左臂胃經部分結腫一塊年許不潰堅硬不痛肉色不變脉弱少食月經每過期日晡發熱遇勞或怒則痛此不足之症也遂與參耆歸朮川芎芍藥

熟地黃貝母遠志香附桔梗牡丹皮甘草百餘貼而
消大抵婦病多起於鬱鬱則氣血受傷百病生矣

一子年十九腰間腫一塊無頭不痛色不變三月不
潰飲食少思肌肉日瘦此寒搏腠理榮氣不行鬱而
爲腫也名曰濕毒流注元戎云若人飲食踈精神衰
氣血弱肌肉消薄榮衛之氣短促而瀋滯故寒搏腠
理閉鬱而爲癰腫者當補之以接虛怯之氣遂以十
全大補湯加香附陳皮三十餘劑始針之遂出白膿
二碗許仍用前藥倍加參耆及以豆豉餅灸之漸愈
彼惑於速効者乃內服貽毒外貼寒涼藥反致食少

膿稀患處色紫復請予治喜得精氣未喪仍以前藥
加遠志貝母白歛百劑而愈此瘡若久而不愈或膿
水清稀者當以內塞散服之及附子餅灸之然後可
愈若不慎飲食起居七情者不治

劉文通室年踰二十腰間突腫寸許肉色不變微痛
不潰發熱脉大此七情所傷氣血凝滯澀於隧道而
然也當益氣血開鬱結更以香附餅熨之使氣血充
暢內自消散不消雖潰亦無虞不聽乃服十宣流氣
之藥氣血愈虛破出清膿不斂而斃

乳癰

王汝道室年踰三十每怒後乳內作痛或腫此肝火所致與小柴胡合四物湯加青皮桔梗香附枳殼而愈彼欲絕去病根自服流氣飲遂致朝寒暮熱益加腫痛此氣血被損而然予與八珍湯三十餘劑喜其年壯元氣易復而得愈也

郭氏妾乃放出宮人年四十左乳內結一核堅硬按之微痛脉弱懶言此鬱結症也名曰乳岩須服解鬱結益血氣藥百貼可保郭謂不然別服十宣散流氣飲瘡反盛逾二年復請予視其形如覆碗腫硬如石膿出如泔予謂膿清脉大寒熱發渴治之無功果發

一婦年踰二十稟弱乳內作痛頭疼脈浮與人參散
毒散倍加人參一劑表證悉退但飲食少思日哺微
熱更以小柴胡湯合六君子湯二劑熱退食進方以
托裏藥加柴胡十餘劑針出膿而愈又有一婦患此
疔膿成畏針病勢漸盛乃強針之膿出三碗許脈數
發弱以大補藥三十餘劑而愈丹溪云乳房爲陽明
所經乳頭爲厥陰所屬厥陰者肝也乃女子致命之
地宗筋之所且各有囊索其始焮腫雖感受患止於
一二囊若膿成不刺攻潰諸囊矣壯者猶可弱者多
致不救所以必針而後愈也

一婦人乳內腫一塊如雞子大勞則作痛久而不消服托裏藥不應此乳勞症也屬肝經血少所致先與神効瓜萋散四劑更隔蒜灸之腫少退再服八珍湯倍加香附夏枯草蒲公英仍間服前散月餘而消亦有乳疽一證其狀腫硬木悶雖破而不潰腫亦不消尤當急服此散及隔蒜灸斯二症乃七情所傷氣血所損亦勞症也宜戒怒節飲食慎起居否則不治

一婦人患乳癰氣血頗實但瘡口不合百法不應予與神効瓜萋散四劑少可更與數劑及豆豉餅灸之而愈又一婦患此未潰亦與此藥三劑而消良甫云

如乳勞便服此藥可杜絕病根如毒已成能化膿
為水毒未成者則從大小便中散之

一婦人患瘰癧與養血順氣藥不應亦與神効瓜薑

散二劑頓退又六劑而消却與托裏藥氣血平復而

愈

一婦人患乳癰寒熱頭痛與荆防敗毒散一劑更與

蒲公英春秋間開黃花似菊一握搗爛入酒二三盞再搗取酒

熱服粗熱菴患處而消丹溪云此草散熱毒消腫核

又散滯氣解金石毒之聖藥鄉人採充菜俗呼葶葶丁

一婦人產次子而無乳服下乳藥但作脹予謂人乳

皆氣血所化今脹而無乳是血氣竭而津液亡也當
補其氣血自然有乳矣乃與八珍湯倍加參朮少加
肉桂二十餘服乳遂生後因勞役復竭夫其初產有
乳再產而無其氣血祇給一產耳其衰可知間有產
後乳出不止亦爲氣虛宜補藥止之其或斷乳兒不
吮亦能作脹則用麥蘖炒爲末白湯調服以散之若
兒吮破乳頭成瘡則用蒲公英末或黃連胡粉散搽
之若乳頭裂破以丁香末或蛤粉臘脂傅之並效
內翰李蒲汀太夫人左脇內作痛牽引胸前此肝氣
不和尚未成瘡用小柴胡湯加青皮枳殼四劑少可

再加芩歸治之而愈

漏瘡

一男子腎患漏口乾發熱喜膿不清稀脉來遲緩以
豆豉餅灸及服八珍湯加麥門冬五味子軟柴胡地
骨皮三月餘而愈後因不慎房勞復潰膿清脉大請
辨不治果歿河間云因病致虛則爲輕蓋病勢尚淺
元氣未虛也至病初愈而勞復或復飲食勞倦或房
勞七情六慾陽瘁陰弱加致羸損此因虛致損則爲
重病勢已過元氣已索故也

一男年踰二十稟弱左腿外側患毒三月方潰膿水

清稀肌肉不生以十全大補湯加牛膝二十餘劑漸愈更以豆豉餅灸之月餘而痊又一媪左臂結核年餘方潰膿清不斂一男子患貼骨癱腿細短軟瘡口不合俱飲十全大補湯外用附子餅及貼補藥膏調護得宜百貼而愈大凡不足之症宜大補之劑兼灸以補接陽氣祛散寒邪爲上

京師董賜年踰四十胸患瘡成漏日出膿碗許喜飲食如常以十全大補湯加貝母遠志白斂續斷灸以附子餅膿漸少謹調護歲餘而愈

附骨疽

李戶部孟卿環跳穴患附骨疽彼謂小瘡遂服敗毒
之劑更用寒涼藥敷貼因痛極刺之膿瘀大泄方知
爲癰也請予治診其脉右關浮大此胃氣已傷故瘡
口開張肉紫下陷捫之不熱彼云瘡內更覺微冷自
意必成漏矣遂以豆豉餅灸之飲以六君子湯加藿
香砂仁炮薑數劑胃氣漸醒飲食漸進患處漸緩肌
肉漸生再以十全大補湯而愈又畢上舍患此內痛
如錐外色不變勢不可消喜其未用寒劑祇因痛傷
胃氣而不思食亦以前藥去炮薑治之飲食少進更
以十全大補湯二十餘劑而膿成遂針去仍以大補

湯倍加參耆芩歸膿久不止更加麥門五味貝母遠志數服漸止瘡亦愈按三症蓋因濕熱滯於肉理真氣不能運化其始宜除濕熱實脾土和血氣則濕自消散若膿未成卽以隔蒜灸之立効

王時亨室產後腰間腫痛兩腿尤甚此由瘀血滯於經絡而然也不早治必作骨疽遂與桃仁湯二劑稍愈更以沒藥丸數服而痊亦有惡血未盡臍腹刺瘡或流注於四肢或注股內疼痛如錐或兩股腫痛此由冷熱不調或思慮動作氣所擁遏血蓄經絡而然宜沒藥丸治之亦有經血不行流注四肢或股內痛

如錐或因水濕所觸經水不行而腫痛者宜當歸丸
治之凡惡血停滯爲患匪輕治之稍緩則流注爲
骨疽多致不救

腸癰

金臺院僉憲年踰五十腹內隱痛小便如淋皮膚錯
縱而脉滑數此腸癰也脉滑數則膿已成遂以廣東
牛皮膠酒溶化送太乙膏下膿升許更以排膿托裏
藥及蠟礬丸而愈

汪中翰側室產後小腹作痛諸藥不應其脉滑數此
瘀血內潰爲膿也以瓜子仁湯痛止更以太乙膏而

愈今人產後多有此病縱非癱患用之更効有人臍
出膿水久而不愈亦以前膏及蠟礬丸治之亦愈

牛乳... 滋潤... 金... 蠟礬丸... 治之亦愈

蠟礬

骨... 症... 疔... 疔...

武... 疔... 疔... 疔... 疔...

疔... 疔... 疔... 疔... 疔...

外科心法卷之五

薛氏醫按

吳郡薛 已著

新都吳玄有校

肺疽

陸司廳子仁春間咳嗽唾痰腥穢胸滿氣促皮膚不
澤項強脉數此肺疽也蓋肺系在項肺傷則系傷故
牽引不能轉側肺者氣之本其華在毛其充在皮膚
傷不能攝氣故脇脹氣促而皮膚縱裏垣云肺瘡之
脉微緊而數者未有膿也緊甚而數者已有膿也其
脉來緊數則膿已成遂以人參黃芪當歸川芎白芷

貝母知母麥門冬瓜蒌仁桔梗防風甘草煎以礬
丸及太乙膏治之膿盡脉濇而愈至冬脉復數經云
飲食勞倦則傷脾脾傷不能生肺金形寒飲冷則傷
肺肺傷不能生腎水腎水不足則心火熾盛故脉來
洪數經云冬見心而不治果歿火旺之月

周國用年踰三十患咳嗽項強氣促右寸脉數此肺
疽也東垣云風中於胃呼氣不入熱致於榮吸氣不
出風傷皮毛熱傷血脉風熱相搏血氣稽留於肺變
成瘡疽診其寸脉數而虛者肺痿也數而實者肺
也今診脉滑此疽膿已成以排膿托裏之藥及礬

丸治之脉漸瀼而愈錦衣李大器亦患此吐膿面赤
脉大予謂肺病脉宜瀼面宜白今脉大面赤火就金
也不可治果然

一男子年踰四十喘咳脇痛胸滿氣促右寸脉大此
風熱蘊於肺也尚未成瘡屬有餘之症予欲以瀉白
散治之彼謂肺氣素怯不然予言乃服補藥喘嗽愈
甚兩月後復請視之汗出如油喘而不休此肺氣已
絕安用治後果歿夫肺氣充實邪何從襲邪氣既入
則宜去之故用瀉白散所以瀉肺中之邪氣也邪氣
既去則真氣自實矣

疔瘡

劉貫卿脚面生疔形雖如粟其毒甚大宜峻利之藥
攻之因其怯弱以隔蒜灸五十餘壯痒遂止再灸片
時乃知痛更用膏藥封貼再以人參敗毒散一服漸
愈夫至陰之下道遠位僻且怯弱之人用峻利之劑
則藥力未到胃氣先傷虛虛之禍有所不免不如灸
之爲宜

松江諸大尹唇生一疔已五日腫硬脉數煩燥喜冷
此胃經積熱所致先以涼膈散一服熱去五六更與
奪命丹二粒腫退二三再與荆防敗毒散四劑而愈

胡生耳後寸餘發一毒名曰銳疽焮痛寒熱煩燥喜
冷此膽經蘊熱而然先用神仙活命飲一劑勢減二
三時值仲冬彼忽於藥有用寒透寒之禁故不再服
自用十宣托裏之藥勢漸熾耳內膿潰復請視其喉
腫閉藥不能下而歿又楊錦衣唇下生疔脉症俱實
而不下反用托裏致口鼻流膿而死是謂實實之禍
馬氏室忽惡寒作嘔肩臂麻木手心搔痒遂督刺不
自知其故但手有一泡此乃患疔毒也令急灸患處
至五十餘壯而蘇又五十餘壯知痛投以荆防敗毒
散而愈古人謂人暴死多是疔毒急用燈照遍身若

有自氏醫林小瘡即是此毒宜急灸其瘡但是胸腹溫者可救
先君云有人因剥死牛脅悶令看遍身俱有紫泡使
急灸泡處良久遂蘇更以敗毒藥而愈

張都憲夫人面生疔腫焮痛甚數日不潰脈症俱實
以荆防敗毒散加芩連治之稍愈彼以爲緩乃服托
裏散一劑其勢愈甚痛極始悟再用涼膈散二劑痛
減腫潰又與連翹消毒散十餘劑而愈

鄭氏舉家生疔多在四肢由皆食死牛肉所致刺去
黑血更以紫金丹服之悉愈

聖驗封汝和南京人感痘毒回生疔十餘枚腫痛脈

數以荆防敗毒散治之雖

愈尚可畏更以奪命丹

一服而痊

脫疽

附脩指誤傷及足壞成瘡

新都楊太僕年踰四十左足大指赤腫焮痛此脾經積毒下注而然名曰脫疽也喜色赤而痛以人參敗毒散去人參桔梗加金銀花白芷大黃二劑更以括婁金銀花甘草節四劑頓退再以十宣散去桔梗官桂加金銀花防已數劑而愈又韓判官亦有此患色紫赤不痛以隔蒜灸至五十餘壯尚不知痛又明灸百壯方知乃以敗毒散加金銀花白芷數劑而愈一

膏梁人年踰五十亦患此色紫黑脚焮痛孫真人云
脫疽之症急斬去之毒延腹必不治色黑不痛者亦
不治喜其飲食如故動息自寧爲瘡瘍之善證也尚
可治遂以連翹消毒散六劑更以金銀花甘草節瓜
萋二十餘劑患指潰脫再以當歸川芎生地連翹金
銀花白芷二十餘劑而愈次年忽發渴予治以加減
八味丸不聽另服生津等藥愈盛却服予前藥而愈
一人患腦疽愈後發渴固不服前丸脚背患疽而死
一人作渴欲發疽與此丸治之不惟渴止而氣血亦
壯大抵此症皆由膏梁厚味或房勞太過丹石補藥

所致其發於指微赤而痛可治治之不愈急斬去之
庶可保否則不治色紫黑或發於脚背亦不治或先
發而後渴或先渴而後發色紫赤而不痛此精氣已
竭決不可治

一芻蕘左足指患一泡麻木色赤次日指黑五日足
足黑冷不知疼痛脉沉細此脾胃受毒所致以飛龍
奪命丹一服翌日令割去足上死黑肉割後骨始痛
可救遂以十全大補湯治之而愈蓋肉死乃毒氣盛
而拒截營氣所致况至陰之下氣血難達經云風淫
末疾即此是也向若攻伐之則邪氣愈盛乘虛上侵

必不救

一婦人修傷次指成膿不潰焮痛至手誤敷涼藥以致通焮微嘔少食彼以爲毒氣內攻診其脉沉細此痛傷胃氣而然也遂刺之服六君子湯加藿香當歸食進更服八珍湯加黃耆白芷桔梗月餘而愈一後生亦患此色黑不痛其指已死予欲斬去速服補劑恐黑上臂不治彼不信另服敗毒藥手竟黑遂不故一男子亦傷拇指色紫不痛服托裏藥及灸五十餘壯作痛潰膿而愈吳舉人幼女因凍傷兩足至春發潰指俱壞遂去之服以大補藥而愈藍上舍女患炭

甲傷指年餘不愈日出膿數滴予謂是大指乃肝脾
二經發源之所宜灸患處使瘀肉去陽氣至瘡口自
合否則不治彼忽之不早治後變癆症而歿蓋至陰
之下血氣難到若女人患此又多因扎縛致血脉不
通或被風邪所襲則無氣血營養遂成死肉惟當壯
其脾胃行其經絡生其血氣則愈其有成破傷風以
致牙關緊急口眼喎斜者先以玉真散一二服然後
投以通經生血之劑

天泡瘡

毛閣老孫年十餘歲背側患水泡數顆發熱脈數此

肺胃經風熱所致名曰天泡瘡遂以荆防敗毒散加
苓連服之外去毒水以金黃散敷之又四劑而愈又
楊文魁腹患此延及腰背焮痛飲冷脉數按之愈大
乃表裏俱實也以防風通聖散一劑更敷前散勢減
大半再以荆防敗毒散二劑而愈

楊梅瘡

近時稱

一男子下部生疳諸藥不應延及遍身突腫狀似番
花筋攣骨痛至夜尤甚此肝腎二經濕熱所致先以
導水丸五服次以龍膽瀉肝湯數劑再與除濕健脾
之藥外貼神異膏吸其膿隔蒜灸拔其毒而愈若表

實者以荆防敗毒散真實者以內疎黃連湯又有

裏俱實者防風通聖散表裏俱虛者八瓊湯氣虛者

四君子湯血虛者以四物湯俱加蕪症之藥治之並

愈若服輕粉等藥反收毒於內以致迭發槩服防風

透聖散氣血愈虛因而不治者多矣又一捷法見外科發揮本門

一男子患楊梅瘡後兩腿一臂各潰二寸許一穴膿

水淋漓少食無睡久而不愈以八瓊湯加茯神炒酸

朮仁服每日以蒜搗爛塗患處灸良久隨貼膏藥致

口少可却用豆豉餅灸更服十全大補湯而愈凡有

二硬或作痛亦用蒜灸及敷沖和膏內服補藥並効

時毒

考功兄湖廣人年三十一耳面焮腫寒熱拘急脈洪此時毒證也齊氏云時毒者感四時不正之氣致也其候發於面鼻耳項咽喉赤腫或結核令人寒壯熱頭疼肢體痛昧者以爲傷寒五七日間乃能瘳人十日外不治自愈診其脈若浮數邪氣在表當發之沉實者邪氣在裏當下之今其脈浮洪此邪在表也以荆防敗毒散加牛蒡子玄參治之漸愈更以升麻葛根連翹枯梗板川芎金銀花牛蒡子而平復又云宜於鼻內噴通氣散取十餘嚏作效用嚏藥不

嚏者不可治如嚏吐膿血治之必愈如左右看病之

人每日用嚏藥嚏之必不傳染

周舉人好年六十時仲冬患時毒頭面耳項腫赤

甚大便閉瀆脈數其此表裏俱實也飲防風通聖散

一劑勢愈盛此藥猶淺也取磁鋒擊刺患處出黑

血與前藥稍可與敗毒散加連翹荆防十餘劑

慙若拘用寒遠寒用熱遠熱及年高畏用硝黃殺

托裏之藥或尋常消毒藥治之鮮不危矣

風熱

工遍身作痒搔破成瘡出水脈浮數此手足陽明

風熱所致以人參敗毒散對四物湯加芩連服之
以松香一兩枯礬九錢輕粉三錢爲末麻油調敷
餘而愈又一人患此但脉沉實以前藥加大黃治
之漸愈再服人參敗毒散而平

徐工部宜人先兩膝後至遍身骨節皆痛脉遲緩按
以羌活勝濕湯及荆防敗毒散加滲濕之藥治之不
應次以附子八物湯一劑悉退再服而愈若脉洪數
而痛者宜服人參敗毒散石毒自手足起至遍身作
痛或至頸項結癰如丹珠者此爲風濕流氣之證宜
以加減小續命湯及獨活寄生湯治之又有小兒宿

痰 疽癰腫見於頸項或臂膊臑背
文為冷諸症用

四 敷貼內服前藥及隔蒜灸之

王 踰三十肩患毒以人參敗毒散一劑更以土

宣 參桂加金銀花天花粉四劑而潰因怒動肝

火 工壅頭面赤腫焮痛飲冷以荆防敗毒散加

芩 苛二劑不應急砭患處出黑血蓋許仍以一

劑 心大半再進人參敗毒散四劑而愈夫病有表

裏 下之殊治有緩急攻補之異若不砭刺毒氣結

於 肉理藥不能及焮腫日甚使投峻利之藥則上熱

未 除中寒已作必傷命矣

薛氏醫案 外科心法卷之九 乙

一婦人腦左腫痛左鼻出膿年餘不愈時或掉眩如坐舟車正許叔微所謂肝虛風邪襲之而然也以川芎一兩當歸三錢羌活旋覆花細辛蔓荊子防風石膏藥本荊芥穗半夏麩乾地黃甘草各半兩乃製一料每服一兩薑水煎服而愈

一男子眼赤痒痛時或羞明下淚耳內作痒服諸藥不應氣血日虛飲食日減而痒愈盛此肝腎風熱上攻也以四生散酒調四服而愈又一入頭目昏眩皮膚搔痒搔破成瘡以八風散治之亦愈

陸子仁子感冒後發瘧不醒人事磨傷脅肉三寸許

一以此膀胱經必有濕熱診其脉果數予謂此死
最毒宜速去之否則延潰良肉多致不救遂取之果
不知疼痛因瘞不止陸君疑爲去肉所觸予謂此風
熱未已彼不聽另用乳沒之劑愈甚復請治予以祛
風消毒藥敷貼查春田飲以祛風涼血降火化痰之
劑而愈金工部洪載傷寒後亦患此甚危亦取去死
肉以神效當歸膏敷貼以內踈黃連湯飲之狂言愈
盛其脉愈大更以涼膈散二劑又以四物湯加苓連
數劑而愈予見患瘡者責效太迫服一二劑未應輒
改服他藥反致有誤不思病有輕重治有緩急而槩

欲効於一二劑之間難矣况瘡瘍一證其所由來固深以久又形證在外肌肉潰損較之感冒無形之疾不同安可旦夕取效患者審之

黃門膽之顯赤腫痛此胃經風熱上攻所致以犀角升麻湯二劑而平又姜大理患此以前湯爲人所感謂湯內白附子性溫而不服另用荆防敗毒散愈盛後雖用此湯尚去白附子亦不應後用全方三劑而愈本草云白附子味甘辛氣溫無毒主面上百病及一切風瘡乃風熱之主藥內經云有是病用是藥不用主病之藥病焉得而愈哉

男子患瘡疥多在兩足午後痛甚腿腕筋紫而脹
脈洪大此血熱而然也於紫處斫去毒血更以四物
湯加芩連柴胡地骨牡丹皮服之而愈如手臂有瘡
臂腕筋紫亦宜斫之老弱人患此作痛須補中益氣
湯加涼血藥治之

有人年踰五十筋骨痿軟卧床五年遍身瘙痒午後
尤甚予以生血藥治之痒漸愈痿少可更以加味四
斤丸治之調理謹守年餘而痊河間云熱淫于内而
用温補藥何也蓋陰血衰弱不能養筋筋緩不能自
持陽燥熱淫于内宜養陽滋陰陰實則水升火降矣

一男子遍身瘙痒諸藥不應脉浮按之而瀉予以生血藥爲主間以益氣百貼而愈

婦人血風癩瘡

一婦人生風癩似癬三年不愈五心煩熱脉洪按之則瀉此血虛之證也當以生血爲主風藥佐之若專攻風毒則血愈虛而熱愈熾血被煎熬則發癩癧或爲怯證遂以逍遙散數劑及人參荊芥散二十餘劑而愈

一婦遍身瘙痒秋冬則劇脉浮數此風邪客於皮膚而然也名曰血風癩飲以消風散及搽蛇床子散少

可夏以四物湯加荆防數劑而愈又一婦人患此夏
月尤甚脉洪大以何首烏散一婦患赤斑癩痒搔破
成瘡出水久而不愈內服當歸飲外搽蛇床子散並
愈又一婦久患此諸藥不應以四生散數服而愈大
抵婦人體虛風邪客於皮膚則成白癩寒濕客於肌
肉鬱熱而爲赤癩色雖有異治法頗同凡人汗出不
可露卧及浴經云汗出見濕乃生瘰癧雷公云遍身
風癩酒調生側子用屢驗

風寒

一婦人年踰四十近環跳穴生一毒尺脉沉緊腿不

能伸經曰脾寒移於肝癰腫筋攣夫脾主肉肝主筋
肉溫則筋舒肉冷則筋急遂與乳香定痛丸治之少
愈更以助胃壯氣血藥二十餘劑而消

王汝道膝腿腫筋骨痛服十宣散不應脈沉細予以
五積散二劑而痛止更以十宣散去桔梗加牛膝杜
仲三十餘劑膿潰而愈此寒氣之腫八風之變也

一婦人臂痛筋攣不能伸屈遇寒則劇脈緊細正陳
良甫所謂肝氣虛爲風寒流於血脉經絡搏於筋筋
不榮則乾急而爲痛先以舒筋湯更以四物湯加牡
丹皮澤蘭白朮治之而痊亦有臂痛不能舉或轉左

右作痛由中脘伏痰脾氣滯而不行宜茯苓丸或控涎丹治之

胡縣丞遍身走痛兩月後左脚面結腫未幾腿股又患一塊脉輕診則浮重診遲緩此氣血不足腠理不密寒邪襲虛而然以加減小續命湯四劑及獨活寄生湯數劑疼痛頓去更以托裏藥倍加參耆歸木百貼而愈後又有劉生手臂結核如粟延至頸項狀似瘰癧此風濕流注亦以前藥治之而愈

一男子每至秋冬遍身發紅點如斑作痒此寒氣收斂腠理陽氣不能發越焮鬱內作也宜以人參敗毒

卷之五
三

散解散表邪再以補中益氣湯益氣實表彼以爲熱
毒自用涼藥愈盛復請以補中益氣湯加茯苓半夏
羌活四劑更以補中益氣湯數劑而愈劉守真曰瘡
腫因內熱外虛風濕所乘然肺主氣皮毛脾主肌肉
氣虛則膚腠開風濕所乘脾氣濕而內熱即生瘡也
腫者由寒熱毒氣客於經絡使血凝滯結成腫風邪
內作者即無頭無根氣血相搏作者有頭有根赤核
腫則風氣流會瘡以痛爲實痒爲虛者非謂虛爲寒
謂熱之徵甚也

顧泰至患癩癧寒熱癩癧治以人參敗毒散翌日瘡

身作痛不能轉側彼云素有此疾服藥不應每發痛
至月餘自止陳良甫云婦人體虛受風邪之氣隨血
而行或淫溢皮膚卒然掣痛遊走無常故名走注痛
即癱筋風也以四生丸治之而愈

鶴膝風

一男子左膝腫大三月不潰予謂體虛之人風邪襲
於骨節使氣滯而不行故膝愈大而腿愈細名曰鶴
膝風遂以大防風湯三十餘劑而消張上舍亦患此
伏枕半載流膿三月彼云初服大防風湯去附子將
潰服十宣散今用十全大補湯而去肉桂俱不應視

脈證甚弱予以十全大補湯每貼加熟附子一錢服三十餘劑少愈乃去附子五分服至三十餘劑將愈却去附子更以三十餘劑而痊夫立方之義各有所宜體氣虛弱邪入骨界遏絕隧道若非用附桂辛溫之藥開散關節腠理之寒邪通暢隧道經絡之氣血決不能愈且本草云附子治寒濕痿痺拘攣膝痛不能行步以白朮佐之爲寒濕之聖藥又云桂通血脈消瘀血堅骨節治風痺骨攣脚軟宜導諸藥十全大補湯以治前證不但不可去桂亦不可不加附子無此二味何以行參耆之功徒芩歸之性而補助血氣

使之宣通經絡扶大虛之證以收必捷之效哉况前
證在骨節之間關節之地治之不速使血氣循環至
此鬱而爲膿從此而泄氣血瀝盡無可生之理矣亦
有秋夏露卧爲寒折之熒熱內作遂成附骨疽有賊
風搏於肢節痛徹於骨遇寒尤甚以熱熨之少減尤
當以大防風湯治之更以蒜搗爛攤患處用艾鋪蒜
上燒之蒜壞易之皮膚倘破無妨若經久不消極陰
生陽潰而出水必致偏枯或爲漏症宜服內塞散及
附子灸之或脉大或發渴不治以其真氣虛而邪氣
實也

濕熱

靳閣老子玉莖腫痛服五苓散等藥不應予診其脈
左關弦數此肝經積熱而成以小柴胡湯送蘆薈丸
一服勢去三四再服頓愈

山西張縣丞年踰五十兩腿腫脹或生痞癰小便頻
而少聲如瓮出服五皮等散不應掌醫院銀臺李先
生疑謂瘡毒令請予治診其脈右關沉緩此脾氣虛
濕氣流注而然非瘡毒也劉河間云諸濕腫滿皆屬
於土按之不起皆屬於濕遂投以五苓散加木香倍
蒼朮白朮亦不應予意至陰之地關節之間濕氣凝

滯且水性下流脾氣既虛安能運散若非辛溫之藥
開通腠理行經活血則邪氣不能發散遂以五積散
二劑勢退大半更以六君子湯加木香升麻柴胡薏
苡仁兩月餘而愈設使前藥不應更投峻劑虛虛之
禍不救矣

一男子濕熱下注兩腿生瘡以人參敗毒散加蒼朮
黃栢服之以金黃散敷貼又一人患此久而不愈以
船板灰存性一兩輕粉三錢爲散麻油調貼更以黃
栢知母防己龍胆草茯苓當歸川芎黃耆白朮服之
並愈若人兩腿生瘡作痛或遍身作痛以當歸拈痛

湯治之

趙千兵患兩腿生瘡每服敗毒藥則飲食無味反增
腫脹此脾虛濕熱下注也以六君子湯加蒼木升麻
酒炒芍藥服之以黃蠟麻油各一兩輕粉三錢爲膏
貼之而愈大凡下部生瘡雖屬濕熱未有不因脾腎
虛而得之者

儀真陳儀部司聽年踰五十兩臙生瘡日久不愈飲
食失節或勞苦或服滲利消毒之劑愈盛脾脈大而
無力此脾虛而無濕熱也以補中益氣湯數劑少愈
更以六君子湯加蒼木升麻神麴治之而愈嘗治下

部生瘡焮痛或發寒熱或脚氣腫痛以人參敗毒散
加檳榔紫蘇蒼朮黃柏並效久不愈者以四生散治
之愈後以補腎丸補之庶不再發矣

北京劉鴻腿生濕瘡數年不愈尺脉輕診似大重診
無力此腎氣虛風邪襲之而然名曰腎臟風瘡以四
生散治之彼不信自服苓連等藥遂致氣血日弱膿
水愈多形證愈憊迨二年復邀治仍以前藥治之而
愈夫肢體有上下臟腑有虛實世之患者但知苦寒
之藥能消瘡毒殊不知腎臟風因腎氣不足所致當
以蒺藜爲君黃耆爲臣白附子獨活爲佐使若再服

敗毒等藥則愈耗元氣速其死矣

高兵部連日飲酒陰痿并囊濕痒服滋陰等藥不應予謂前陰者肝經脉絡也陰氣從挺而出素有濕繼以酒爲濕熱合於下焦而然也經云下焦如瀆又云在下者引而竭之遂以龍胆瀉肝湯及清震湯治之而愈若服此藥不應宜補肝湯或四生散治之

趙大用兩臂腫痛服托裏藥日盛予謂腫屬濕痛屬火此濕熱流注經絡也以人參敗毒散加葳靈仙酒炒黃芩南星數劑漸愈更以四物湯加蒼朮黃芩桔梗二十餘劑而消又一婦下體腫痛亦與人參敗毒

龍加歲靈仙黃栢蒼朮數服痛減更以四物湯加黃
栢紅花防已蒼朮澤瀉三十餘劑亦消

葉巡檢兩腿作痛每痛即以濕布搦之少愈月餘反
盛夜痛尤劇丹溪云血受熱已自騰沸或涉冷或受
濕取涼熱血得寒汗濁凝澁所以作痛夜痛甚行於
陰也苟痛以冷折之即前所謂取涼之證也以五積
散二劑頓愈更以四物湯加黃栢蒼朮牛膝木瓜三
十餘劑而消夫濕痰濁血注於僻道若非行經流濕
推陳致新不能瘳也如藥蒸罨或用涼藥敷貼或用
寒藥降火反成敗證矣

戶部韓老先生山西人左臂肘患一紫泡根畔腫赤
大腸脉芫子謂芫主失血或積血公曰血痢未瘳以
芍藥湯三劑更以人參敗毒散二劑瘡痢並愈

一老人患痢驟用澁藥致大腸經分作痛此濕毒流
於隧道而然以四物湯加桃仁酒黃芩紅花升麻枳
殼陳皮甘草治之漸愈因年高胃弱竟至不起又一
患者亦用澁劑環跳穴作痛予與前藥去升麻陳皮
甘草加蒼朮黃柏柴胡青皮生薑十餘劑稍可更刺
委中出黑血而愈如手蘸熱水拍腿上有泡起去血

亦可不若刺穴尤速効也

委中在膝腕中央
橫紋中動脈更

一男子腿痛筋攣遍身酸軟一道人與痰藥及托裏藥期三日可痊皆不應請予治予謂非瘡毒大筋軟短小筋弛長此濕熱爲患也以人參敗毒散加蒼木黃栢檳榔木瓜治之少愈更以清燥湯二十貼而痊夫內有濕熱外有風寒當泄不當補反以甘溫之劑必不効矣

余舉人弟年及二十腿膝腫痛不能伸屈服托裏藥反感予以人參敗毒散加檳榔木瓜柴胡紫蘇蒼木黃栢而愈

痔

附血氣
囊癰

婦人陰瘡
男子便血

一男子痔瘡腫痛便血尤甚脉洪且瀦經云因而飽食筋脉橫解腸僻為痔蓋風氣通於肝肝生風風生熱風客則淫氣傷精而成斯疾遂與黃連當歸黃耆生地黃防風枳殼白芷柴胡槐花地榆甘草治之漸愈次以黃連丸而瘥又姜生便血數年百藥不應面色痿黃眼花頭眩亦以黃連丸治之而平

曹銓因飲法酒肛門腫痛便秘脉實服荆防敗毒散不應予用黃連內疎湯而愈

一男子患痔脉浮鼓午後發熱作痛以八珍湯加黃耆柴胡地骨皮治之稍可彼欲速効用劫藥

甚絕食而歿夫瘡之潰斂氣血使然也脉浮鼓且痛此氣血虛也丹溪云瘡口不合用大劑參耆木歸芎補之外以附子餅灸之更以補藥作膏貼之

一男子年踰四十有痔漏大便不實服五苓散愈加泄瀉飲食少思予謂非濕毒乃腸胃虛也當以理中湯治之彼不爲然仍服五苓散愈甚復請予乃以理中湯及二神丸月餘而平

李遠因痔瘡怯弱以補中益氣湯少加苓連枳殼治之稍愈後因怒加甚時仲冬脉得洪大予謂脉不應時此乃腎水不足火來乘之藥不能治果歿於火旺

之月嘗見患痔者腎脉不足俱難治

張刑部德弘便血數年舌下筋紫午後唇下赤胃肺
脉洪予謂大腸之脉散舌下大腸有熱故舌下筋紫
又便血蓋胃脉環口繞承漿唇下即承漿也午後陰
火旺故承漿發赤蓋胃爲本肺爲標乃標本有熱也
遂以防風通聖散爲丸治之而愈後每睡忽驚跳而
起不自知其故如是者歲餘腦發一毒焮痛左尺脉
數此膀胱經積熱而然以黃連消毒散數劑少愈次
以金銀花瓜蒌甘草節當歸服月餘而平

劉商有痔肛門脫出此濕熱下注真氣不能升

其脉果虚遂以四君子湯加黃耆芎歸蒼朮黃柏升
麻柴胡服之更以五倍子煎湯薰洗彼以爲緩乃用
砒霜等毒藥蝕之而效夫劫藥特治其末且能伐真
元鮮不害人慎之慎之

徐生因痔氣血愈虚飲食不甘小便不禁夜或遺精
此氣虚兼濕熱而然非瘡故也以補中益氣湯加山
茱萸山藥五味子兼還少丹治之而愈

一男子患痔漏膿出大便諸藥不應診其脉頗實令
用猪腰子一箇切開入黑牽牛末五分線扎以荷葉
包煨熟空心細嚼温鹽酒送下數服頓退更以托裏

藥而愈

一男子年踰四十陰囊腫痛以熱手熨之少緩服五苓等散不應尺脉遲軟此下虛寒邪所襲而然名曰寒疝非瘡毒也予以蟠葱散治之少可更以葫蘆巴丸服之而平

胡同知陝西人年踰五十陰囊腫痛得熱愈甚服蟠葱散等藥不應肝脉數此囊癰也乃肝經濕熱所致膿已成急針之以龍膽瀉肝湯脉證悉退更以托裏滋陰藥外搽杉木灰紫蘇末月餘而愈此症雖潰盡而無害患者審之

補道宮年六十餘陰囊已潰痛不可忍腎丸露出與
龍膽瀉肝湯服之及敷前末不應予意此濕氣熾盛
先以槐花酒一碗仍以前湯少愈更以托裏加滋陰
藥月餘而平設以前藥不應加之峻劑未有不損中
氣以致敗者也聘士陳時用沈汝和患此悉用前藥
而愈

一婦人隱內膿水淋漓或痒或痛狀似蟲行診之少
陰脉滑數此陰中有瘡也名曰廔由心神煩鬱胃氣
虛弱氣血凝滯所致與升麻白芷黃連木通當歸川
芎白朮茯苓柴胡煎服用搗腫湯薰洗更搽蒲黃水

銀兩月餘而愈或有胞絡虛風邪乘陰血氣相搏令
氣否澁致陰腫痛當以菖蒲散治之更以枳實炒熟
帛裹熨之冷則再炒或有子臟虛冷氣下衝致陰脫
出謂之下脫或因產努力而脫者以當歸散治之久
不愈者以補中益氣湯倍加升麻柴胡升舉之

一男子尿血陰莖作痛服清心蓮子飲不應服八正
散愈盛予以髮灰醋湯調服少愈更以斑龍丸而平

懸癰

黃吏部穀道前患毒焮痛寒熱此肝經濕熱所致各
日懸癰屬陰虛症先以製甘草二服頓退再以四物

加車前子青皮甘草節酒製黃栢知母數服而消又
一弱人莖根結核如大豆許勞則腫痛先以十全大
補湯去桂加車前子麥門冬酒製黃栢知母少愈更
服製甘草漸愈仍以四物車前之類而消又一患者
嗽痛發熱以龍膽瀉肝湯二劑及製甘草四劑而潰
再用滋陰之劑而愈若或膿未成以葱炒熱敷上冷
易之隔蒜灸之亦可數日不消或不潰或潰而不斂
以十全大補湯加柴胡稍為主間服製甘草並効若
不保守必成漏矣

一男子年踰五十患懸癰膿清肝腎脉弱此不慎酒

色濕熱壅滯也然膿清脉弱老年值此何以收斂况
穀道前爲任脉發源之地肝經宗筋之所予辭不可
治後果死嘗治此癰惟澗水製甘草有效已破者蒸
以十全大補湯爲要法

便毒

舉人凌待之湖州人年踰四十患便毒尅伐太過飲
食少思大便不實遺精脉微東垣云精滑不禁大便
自利腰脚沉重下虛也仲景曰微弱之脉主氣血俱
虛也先以六君子湯加破故紙肉苳蔻煎服瀉止食
進更以十全大補湯加行經藥十餘劑而消

胡判官患便毒膿稀脉弱以十全大補湯加白斂五味子麥門三十劑稍愈更以參耆歸木膏而平因新婚復發聚腫堅硬手足並冷脉弱皮寒飲食少思此虛極也仍用前藥加桂附三劑稍可彼欲速自用連翹消毒散瀉利不止竟致不救

京臺王文遠年踰四十素勞苦患便毒發寒熱先以小柴胡湯加青皮一服表症悉退次以補中益氣湯加川山甲二服腫去三四更以托裏之藥五六服膿成刺去旬日而斂

賦陳去... 賦陳去... 賦陳去...

賦陳去... 賦陳去... 賦陳去...

賦陳去... 賦陳去... 賦陳去...

賦陳去... 賦陳去... 賦陳去...

賦陳去... 賦陳去... 賦陳去...

賦陳去... 賦陳去... 賦陳去...

賦陳去... 賦陳去... 賦陳去...

賦陳去... 賦陳去... 賦陳去...

外科心法卷之六

薛氏醫按

吳郡薛 已著

新都吳玄有校

疝瘡

附玉莖腫及挺出及出白精

一老人患疝小便淋瀝脈細體倦此氣虛兼濕熱也

用清心蓮子飲及補中益氣湯治之而愈又一弱人

物中作痛小便淋瀝此因火燥下焦無血氣不能降

而滲泄之令不行用四物湯加黃栢知母茯苓牛膝

木通十餘貼痛止便利先君氣短物中若瘡小便不

通製四物湯加參芪煎吞滋腎丸而愈蓋前證以虛

醫氏醫抄 外科心法卷之六
爲本以病爲末益其本則末自去設若不固元氣專
攻其病害滋深矣

王錦衣年踰四十素有淋患疝瘡焮痛倦怠用小柴
胡湯加黃連黃栢青皮當歸而愈

杜舉人名京年踰三十陰囊濕痒莖出白物如膿舉
則急痛此肝疝也用龍膽瀉肝湯而愈有陰莖腫或
縮或挺或痒亦以此藥治之

王上舍遺精勞苦愈甚物中結核服清心蓮子飲連
翹消毒散不應予以八珍湯加山藥山茱萸遠志十
餘劑漸愈更以茯苓丸治之遂不復作葉巡檢患此

云諸藥不應盧丹谷與八味充治之而愈

杖瘡

文刑部用晦伏 闕諫南巡受杖瘡血已散壞肉不
潰用托裏之藥稍潰而膿清此血氣虛也非大劑參
芪不能補文君亦善醫以爲恐腹滿予強之飲食稍
思遂加大補劑飲食日進肉潰膿稠而愈嘗治江翰
林姚王鄭三吏部李陳姜三禮部南吳二刑部皆與
文同事者先散其瘀血漸用排膿托裏之藥俱愈夫
叫號則傷氣痛忍則傷血此氣血之虛明矣况脾主
肌肉脾氣受傷飲食必減血一冰則肌肉不旺故必

理脾脾健肉自生若非參朮歸耆之類培養脾土則
肌肉何由而生然又須分病人虛實及有無瘀血停
積蓋打撲墜墮皮肉不被肚腹作痛者必有瘀血在
內宜以復元活血湯攻之老弱者四物湯加紅花桃
仁川山甲補而行之若血去多而煩燥此血虛也名
曰亡血以獨參湯補之有打撲墜墮稍輕別無瘀血
等症但是疼痛不止者惟和血氣調經脈其痛自止
更以養氣血健脾胃無有不效亦有痛傷胃氣作嘔
或不飲食者以四君子湯加藿香砂仁當歸治之若
有瘀血不先消散而加補劑則成實實之禍設無

血而妄行攻利則致虛虛之禍予戊辰年公事居廬
關見覆車被傷者七人仆地呻吟一人未蘇予俱令
以熱童便灌之皆得無事予于壬申年被重車碾傷
悶脅良久復蘇胸滿如築氣息不通隨飲熱童便一
碗胸寬氣利惟小腹作痛吾鄉徐銀臺東濠先生與
復元活血湯一劑便血數升許痛腫悉退更服養血
氣藥而痊大凡損傷不問壯弱及有無瘀血停積俱
宜服熱童便以酒佐之推陳致新其功甚大若脇脹
或作痛或發熱煩燥口乾喜冷惟飲熱童便一甌勝
服他藥他藥雖亦可取效但有無瘀血恐不能盡識

反致悞人惟童便不動臟腑不傷氣血萬無一失嘗
詢諸營操軍常有墜馬傷者何以愈之俱對曰惟服
熱童便即愈此其屢試之驗亦明矣又凡腫痛或傷
損者以葱搗爛熱罨之尤妙

夏鳳北京人因杖瘡臀膝通潰膿瘀未出時發昏憤
此膿毒內作而然也急與開之昏憤愈盛此虛也以
入玃湯一服少可數服死肉自腐頓取之令用猪蹄
湯洗淨以神效當歸膏塗貼再以十全大補湯兩月
而愈若更投破血之藥則危矣大抵杖瘡一症皆瘀
血爲患宜速治療淺者砭之深者針之更以活血流

氣藥和之內潰者開之有腐肉取之以壯胃生血藥
托之可保無虞有傷筋骨而作痛者以沒藥降聖丹
治之若牙關緊急或腰背反張者以玉真散治之並
效

火瘡

馮氏子患火瘡驟用涼藥敷貼更加腹脹不食予以
人參敗毒散加木通山梔治之外以楮葉炒爲末麻
油調搽漸愈嘗用者大汗上浮脂調銀硃塗之更效
若用涼藥逼火毒入內多致不救

虫犬傷 附破傷

陳鑑居庸關人蝎螫手疼痛徹心頃刻熨痛至腋寒
熱拘急頭痛惡心此邪正二氣相搏而然以飛龍奪
命丹塗患處及服止痛之藥俱不應乃以隔蒜灸法
灸之遂愈予母及予皆嘗被螫如前灸之痛即止予
母又嘗爲蜈蚣傷指亦用前法而愈凡蛇毒之類所
傷依此療之並效本草謂蒜療瘡毒有回生之功
一獵戶腿被狼咬痛甚治以乳香定痛散不應予思
至陰之下氣血凝結藥力難達令隔蒜灸至五十餘
壯疼痛悉去仍以托裏藥及膏藥貼之而愈又王生
被鬪大傷腿頃間熨痛至晚翌日牙關緊急以玉真

散治之不應亦隔蒜灸三十餘壯而蘇仍以玉真散
及托裏消毒藥而愈一人誤傷去小指一節牙關緊
急頸背反張人事不知用玉真散青州白丸子各一
服未應此亦藥力不能及也急用蒜搗爛裹患指以
艾灸之良久覺痛仍以白丸子一服及托裏散數服
而愈夫積在腸胃尚爲難療况四肢受患風邪所襲
逼絕經絡者古人所製淋瀝貼煬鎌刺等法正爲通
經絡導引氣血也

一男子墜馬傷頭并臂令葱搗爛炒熱罨患處以葱
手熨之服沒藥降聖丹而愈本草云葱大治傷損

腹痛

楊錦衣子十歲腹脹痛服消導藥不應彼以爲毒請
診其脉右關沉伏此食積也河間云食入即吐胃脘
痛更兼身體痛難移腹脹善噫舌本強得後與氣快
然衰皆脾病也審之果因食粽得此以白酒麴熱酒
服而愈

黃恭人腹內一塊不時作痛痛則人事不知良久方
蘇諸藥不應診其脉沉細則非瘡毒劉河間云失笑
散治疝氣及婦人血氣痛欲死並效與一服痛去六
七再服而平此藥治產後心腹絞痛及兒枕痛尤

誤吞水蛭

一男子患腹痛 熱則痛甚諸藥不應半年後腹加

腫脹面色痿黃診其脉不洪滑非癰也詢之云始於

渴甚俯飲澗水予意其誤吞水蛭而然今取河泥為

丸空心用水送下百丸果下蛭而愈又一子因跌瀉

中腹作痛服積驚等藥不應亦依前症療之而愈

蟲入耳

先君嘗腫間有蟲入耳痛贅將生姜擦猫鼻其尿自

出取尿滴耳內蟲即出而愈又有百戶張錦謂予曰

耳内生瘡時作痛痛而欲死痛止如故診其脉皆

安靜予謂非瘡也話間痛忽作予度其有蟲入耳令
回急取猫尿滴耳果出一臭蟲遂不復痛或用麻油
滴之則蟲死難出或用炒芝麻枕之則蟲亦出但俱
不及猫尿之速也

治諸蟲傷白礬一塊於端午日自早晒至晚收貯用
時旋為末水調搽患處痛即止

小兒

丹瘤 粘瘡 腦疔

毒瘡 癰疹 肺疔

瘡疥 癩瘡 腎瘡

結核 癰疽 無辜瘡

黃水瘡 痘毒

吳刑部靜之子甫周歲患丹毒延及遍身如血染予

用磁鋒擊刺遍身出黑血以神功散塗之愈

天連翹飲而愈王國成子未彌月陰囊患此如前治
之而愈金氏子不欲刺毒入腹而死河間云丹從四
末起入腹者不治予嘗刺毒未入腹者無不效
二三歲小兒臂患毒焮痛服解毒丸及搽神功散而
清膏治便秘或煩燥服五福化毒丹亦效若膿成者
急刺去用紙撚蘸麻油紙瘡內以膏藥貼之若兒安
靜不必服藥候有膿取去仍用紙貼有小兒瘡毒不
愈或愈而復發皆因母食炙燻辛辣或有熱症宜先
治母熱就於母藥中加漏蘆煎服兒瘡亦愈若小兒
自患前症不能飲藥者將藥加漏蘆令母服之其瘡

奏愈

一 小兒臂患痘毒不寧按之復起此膿脹痛而然也
延刺之以托裏而愈有痘後肢節作腫而色不赤飲
以金銀花散更以生黃豆末熱水調傅乾以水潤之
自消若傳六七日不消膿已成急刺之宜服托裏藥
一 周歲小兒先於頭患瘡疥漸至遍身久而不愈飲
四物湯加防風黃芩升麻外搽解毒散月餘而愈
有七歲小兒頸結二核時發寒熱日久不愈以連翹
煎治之而消若患在面臂等處尤當用此藥若潰而
不斂宜服托裏之劑

一 小兒頭面患瘡數枚作痒出水水到處皆潰成瘡
名曰黃水瘡也用菜豆粉松香爲末香油調傅飲以
荆防敗毒散而愈

一 小兒頭面生瘡數枚作痒瘡痂積累名曰粘瘡也
以枯白礬黃丹末等分麻油調搽更飲敗毒散而愈

一 小兒癩疹瘙痒發熱不安以消風散治之又一小
兒亦患此咳嗽時嘔以葛根橘皮湯並愈

一 小兒頸面胸腹患水泡數枚潰而成瘡此風邪乘
於皮膚而然也名曰癩瘡飲荆防敗毒散更以牛糞
燒存性爲末傅之而愈有癩疽一症爲患最毒形如

言氏醫書抄 卷之六
粟許大者如粟患無常處多在手指潰而出血用南
星半夏白芷末傅之重者見骨或狂言煩悶

一小兒痘瘡已愈腿上數枚變疔蝕陷用雄黃銅綠
等分爲末傅搽兼金銀花散數服而愈若患遍身用
出蛾綿繭將白礬爲末填繭內燒礬候汁乾取出爲
末放地上以碗蓋良久出火毒傅之效

一小兒痘後瘙痒搔破成瘡膿水淋漓予用經霜陳
茅草爲末傅搽及鋪席上兼飲金銀花散而愈若用
菘豆滑石末傅之亦可但不及茅草之功爲速耳

一小兒頭患白瘡皮光且急諸藥不應名曰腦疔瘡

乃胎毒挾風熱而成也服以龍膽丸及吹蘆薈末於
鼻內兼搽解毒散而愈若重者髮結如穗腦熱如火
遍身出汗腮腫胸高尤當服此藥

一小兒咳喘逆壯熱惡寒皮膚如粟鼻痒流涕咽
喉不利頤爛吐紅氣脹毛焦作利名曰肺疳以地黃
清肺飲及化匿丸治之而愈

一小兒眉皺多啼嘔吐清沫腹中作痛壯脹筋青唇
口紫黑肛門作痒名曰蛔疳以大蘆薈丸治之而愈
有蟲食脊脊身熱黃瘦煩溫下痢拍背如鼓鳴脊骨
如鋸齒十指生瘡常嚙此脊疳也當以前丸治之

一 小兒鼻外生瘡不時搽擦延及兩耳諸藥不效以
蘆薈丸服及搽松香菜豆末而愈

一 小兒十歲患瘡疥久不愈肌體羸瘦寒熱作時腦
熱足冷滑瀉肚痛齟爛口臭乾渴爪黑面黧此腎疳
也服六味地黄丸更搽解毒散而愈

一 小兒項結一核堅硬如癭面色痿黃飲食不甘服
托裏藥不應此無辜疔毒也予以蟾蜍丸治之而愈
若數服而不消按之轉動軟而不痛者內有蟲如粉
宜急針去之若不速去則蟲隨氣走內蝕臟腑不治
死用蟾蜍一二枚夏月溝渠中取腹大不跳不鳴者

先取糞蛆一杓置桶中以尿浸之桶近上令乾使蛆
不得出却將蟾蜍撲死投在蛆中任與蛆食
次以新布袋包繫定置水急處浸一宿取出瓦上焙
爲末入麝香五分軟飯丸如麻子大每服二三十丸
空心米飲送下

槐花酒治驗

滁州于侍御髀髀患毒痛甚服消毒藥其勢未減即
以槐花酒一服勢隨大退再以托裏消毒之藥而愈
王通府患發背十餘日勢危脉大先以槐花酒二服
殺其勢退更以敗毒散二劑再以托裏藥數劑漸潰

又用桑柴燃灸患處每日灸良久仍以膏藥貼之灸
至數次膿潰腐脫以托裏藥加白朮陳皮月餘而愈
劉太尹發背六七日滿背腫痛勢甚危與隔蒜灸百
壯飲槐花酒二碗即睡覺以托裏消毒藥十去五六
令將桑枝灸患處而潰數日而愈大抵腫毒非用蒜
灸槐花酒先去其勢雖用托裏諸藥其效未必甚速
一男子患腦疽已十餘日面目腫閉頭焮如斗脉洪
數煩燥飲冷此勝胱濕熱所致以黃連消毒飲二劑
次以槐花酒二碗頓退以指按下腫即復起此膿已
成於頸額肩頰各刺一孔膿並湧出口目始開更以

托裏藥加金銀花連翹三十餘劑而愈

一上舍肩患疽脈數以槐花酒一服勢頓退再與金銀花黃耆甘草十餘服而平槐花治濕熱之功最爲神速若胃寒之人不可過劑

金銀花治驗

一園丁患發背甚危令取金銀藤五六兩搗爛入熟酒一鐘絞取汁酒濕服粗罨患處四五服而平彼用此藥治瘡足以養身成家遂棄園業諸書云金銀花治瘡瘍未成者即散已成者即潰有回生之功

一男子患腦疽勢劇脈實以黃連消毒散治之不應

以金銀藤二兩水二鐘煎一鍾入酒半碗服之勢去
三四再服漸退又加黃柏知母括萎當歸甘草節數
劑而潰止加黃耆川芎白芷桔梗數劑而愈

一男子患腦疽其頭數多痛不可忍先服消毒藥不
應更以金銀花服之即酣睡覺而勢去六七再四劑
而消又一男子所患尤甚亦令服之腫痛頓退但不
能平加以黃耆當歸瓜蒌仁白芷甘草節桔梗數劑
而愈

一男子被鬼擊身有毒

作痛以金銀花煎湯飲之

即愈本草謂此藥大治五種飛尸此其驗也

忍冬酒治癰疽發背疔毒
處或婦人乳癰皆有奇效如或處鄉落貧家服此亦
便且效仍兼以麥飯石膏及神異膏貼之甚效
忍冬藤即金銀花生取藤葉一把入砂器內爛研入
白酒少許調和稀稠得宜塗傅四圍中心留一口洩
其毒氣其藤只用五兩用木槌槌碎生甘草節一兩
右二味入砂瓶內以水二盃用文武火煎至一盃入
無灰酒一盃再煎十數沸去粗分爲三次溫服粗敷
患處一日夜喫盡如病勢重一日夜要飲兩劑服至
大小便通利則藥力到沈內翰云如無生者用乾者

終不及生者力大而効速此藤凌寒不凋故名忍冬
草其藤左繞故又名左纏藤附樹延蔓或在園圍墻
垣之上藤方而紫葉似薜荔而青二月開花微香蒂
帶黃色花初開則色白經一二日則色黃故又名金
銀花又名鷺鷥藤又名金釵股又名老翁鬚在處有
之而本草中不言善治癰疽發背而近代各人用之
竒效方書所載療癰疽發背皆以爲要藥

鍼法總論

嘗觀上古有砭石之制內經有九針之別制雖不同
而去病之意一也且瘡瘍一科用針爲貴用之之

雖云量其潰之淺深尤當隨其肉之厚薄若皮薄而
深則反傷良肉益增其潰肉厚針淺則膿毒不出反
益其痛用針者可不慎哉至於附骨疽氣毒流注及
疔經久不消內潰不痛宜燔針開之若治咽喉之患
宜用三稜針若丹瘤及癰毒四畔赤嫩疼痛如灼宜
用石砭之去血以泄其毒重者減輕者消如洪氏室
腹癰膿脹悶脅以卧針刺之膿出即蘇一人患癰
膿熱腫脹小便不利幾殆急針之膿水大泄氣通
而愈大抵用針之法迎而奪之順而取之所謂不治
之病而治未病不治已成而治未成正此意也今之

外科醫集 外科八法卷之九
三
惡者或畏針而不用醫者又徇患者之意而不針遂
致膿已成而不得潰或得潰而所傷已深矣卒之天
枉者十常八九亦可悲夫

灸法總論

大瘡瘍之症有諸中必形諸外在外者引而拔之在
內者踈而下之灼艾之功甚大若毒氣鬱結瘀血凝
滯輕者或可藥散重者藥無全功矣河間云痛者灸
至不痛不痛者灸至痛毒氣自然隨火而散東垣云
若不針烙則毒氣無從而解膿瘀無從而泄過時不
烙反攻於內陳氏云譬如盜入人家必開戶以逐之

是故善治毒者必用隔蒜灸。官是而用寒苦之劑其壯實內有火者或可彼怯弱氣寒者未有不敗者也。又有毒氣沉伏或年高氣弱或服尅伐之劑氣益以虛膿因不潰必假火力以成功如曹工部發背已寸八日瘡頭如粟瘡內如錐痛極時有悶齁飲食不思氣則愈虛以大艾隔蒜灸十餘壯尚不知內痛不減遂明灸二十餘壯內痛悉去毒氣大發飲食漸進更以大補藥及桑木燃灸瘀肉漸潰劉貫卿足患疔已十一日氣弱亦灸五十餘壯更以托裏藥而愈黃君患癰膿清脉弱一婦臂結一塊已潰俱不收斂各灸

豆豉餅更飲托裏藥而愈一男子胸腫一塊半載
消令明炎百壯方潰與大補藥不斂復灸以附子
而愈一男子患發背焮痛如灼以隔蒜灸三十餘
壯腫痛悉退更以托裏消毒藥而愈一人患發背瘡
甚多腫硬色紫不甚痛不腐潰以艾鋪患處灸之
更以大補藥數日死肉脫去而愈陳工部張兵部患
發背已四五日瘡頭雖小根畔頗大俱以隔蒜灸三
十餘壯其根內消惟瘡頭作膿數日而愈余丙子年
忽惡心大椎骨甚痒須臾臂不能舉神思甚倦此天
疽危病也急隔蒜灸之痒愈甚又明炎五十餘壯幸

遂止旬日而愈精要云灸法有回生之功信矣大
蒸灸若未潰則拔引鬱毒已潰者則補接陽氣祛
寒邪瘡口自合其功甚大嘗治四肢瘡瘍氣血不
者祇以前法灸之皆愈疔毒甚者尤宜灸痛則灸
不痛不痛則灸至痛亦無不愈若中虛者不灸而
敗毒藥則瘡毒未除中氣先傷未有不敗者也李氏
云治疽之法著艾勝於用藥緣熱毒中隔外內不
不發泄則不解散不幸患此者適處貧居僻一時
藥用灸尤便其法用大獨蒜切片如三錢厚貼於
頂上以艾炷安於蒜片上灸之每三壯一易蒜片若

灸時作痛要灸至不痛不痛要灸至痛方止大槩以
百壯爲度用大蒜取其毒有力多用艾炷取其火力
透如法灸之瘡一發膿潰繼以神異膏貼之不日而
安一能使瘡不開大二內肉不壞三瘡口易合見效
甚神丹溪云惟頭爲諸陽所聚艾壯宜小而宜少
又方一切癰疽發背婦人妳癰皆可即用後法灸之
無有不愈其法先令病人以肘凭几豎臂腕腰直兩
篾一條自臂腕中曲紋盡處男左女右貼肉量起直
至中指指尖盡處爲則不量指甲却用竹杠一條令病
人脫衣騎定令身正直前後用二人扛起令胸不著

地又令二人扶定勿令僵仆却將所量臂腕篋從前
枉坐處尾骶骨盡處直豎竹上貼脊背量至篋盡處
則用墨點定此只是取中非灸穴也却用薄篋作則
子量病人中指節相去兩橫紋爲則男左女右截去
一則就前所點記處兩邊各量開一則盡處即是灸
穴兩穴各灸五壯或七壯不可多灸不問癱生何處
並用此法灸之無不愈者一云可視其疽發於左則
灸左發於右則灸右甚則左右皆灸蓋此二穴心脉
所過處素問云諸瘡瘍皆屬於心又云營氣不從逆
於肉理乃生癰腫又云心主血心氣滯則血不行故

逆於肉理而生癰腫炎此穴使心火調暢血脉流通
即能奏効起死回生非常之力屢試屢驗灸圖
外科精要

八味丸治驗

張甫北京人年踰三十素怯弱不能食冷臂患一
脉虛弱予以托裏藥治之而消但飲食少思或作嘔
或吞酸日漸羸瘦參苓等藥不應右尺脉弱此命門
火衰不能生土遂以八味丸補土之原飲食漸進而
愈予嘗病脾胃服補劑及針灸脾俞等穴不應幾殆
吾鄉盧丹谷先生令予服八味丸飲食果進三月而

平子兄年踰四十貌豐氣弱遇風則眩勞則口舌生
瘡胸常有痰目常赤濇又一人脾虛發腫皆以八味
丸而愈王太僕舊患脾服此丸十八年而康黃銀臺
忌脾服此將驗而他醫阻之反用寒藥遂至不救蓋
此丸用附子有功常驗人有不耐勞不能食冷或飲
食作脹大便不實或口舌常破如瘡服涼藥愈盛或
盜汗不止小便頻數腿腰無力或嚙津或呼吸覺冷
氣入腹或陰囊濕痒或手足冷或面白或顰黑或畏
寒短氣以上諸症皆屬虛甚非用附子不可夫附子
一物大辛熱除三焦痼冷六腑沉寒氣味勁悍有回

陽之功命門火衰非此不補性雖有毒但炮製如法
或用甘草防風等同炒或童便久浸以去其毒復與
地黃等味同用以制其熱潤其燥緩其急假其克捷
之功而駕馭其慄悍之勢則雖久服亦有功而無害
惟在善用之而已若執泥有毒果有沉寒痼冷之疾
棄而不用其能療乎觀東垣八味丸論則較然矣

危證

郭職方各璉背瘡潰陷色紫舌卷予謂下陷色紫主
陽氣脫舌卷囊縮肝氣絕遂辭之經曰舌卷囊縮此
筋先死庚日篤辛日死果至立秋日而歿

一人腹患癰膿熟開遲脉微細膿出後瘡口微膿如
蟹吐沫此內潰透膜也予謂瘡瘍透膜十無一生雖
以大補藥治之亦不能救此可爲待膿自出之戒也
陸氏女初嫁患腰痛不腫脉沉滑神思倦怠此爲內
發七情之火飲食之毒所致以托裏藥一劑下瘀膿
升許陳良甫云瘡疽未潰內陷面青唇黑者不治果
歿

楊錦衣脚跟生瘡如豆許痛甚狀似傷寒予謂獵人
被兔咬脚跟成瘡注蝕爲終身之疾若人脚跟患瘡
亦終不愈因名兔嚙也遂以還少丹內塞散治之稍

言曰醫探
夕不心法卷之九
可次因納籠作痛反服攻毒藥致血氣愈弱腿膝痿
軟而死蓋足跟乃二躄發源之處腎經所由之地若
瘡口不合則躄氣不能發生腎氣由此而泄故為終
身之疾况彼瘡先得於虛復不知戒雖大補氣血猶
恐不及安服攻毒暴悍藥以戕賊之乎

京師王大廣年踰六十素食厚味頰頰生毒未潰而
肉先死脉數無力此胃經積毒所致然頰頰正屬胃
經未潰肉死則胃氣虛極老人豈宜患此予辭不治
果死內經云膏粱之變足生大疔受如持虛

一男子患背疽肉黑陷下請治予謂經云疽者沮也

熱氣純盛下陷肌膚筋骨髓枯肉連五臟故堅如牛
領之皮此精氣已竭安用治果死

南裏溫中湯

丁香

沉香

茴香

益智仁

陳皮

木香

羌活

乾薑

厚朴

白朮

茯苓

白芍

甘草

既而延壽足跟乃二野於源之處皆經所出之端
 若口不合則踏氣不能發生腎氣由此而泄故
 身之疾况彼蒼先得於虛復不知戒雖太補氣
 恐不及矣服攻毒蒸悍藥以戕賊之手

承師王大廣年踰六十素食停飲
 內生死脈數無力此皆腎氣所衰
 恐未潰而久則胃氣虛極老人宜宜
 證之如北缺康日散安用哉果孫

燕窩輪海不甜水膏滋補林肉腹五椒地黃

外科心法卷之七

附錄前諸卷方并錄經驗方二十道

托裏溫中湯

丁香

沉香

茴香

益智仁

陳皮

木香

羌活

乾薑

甘草

附子

炮去皮臍各一錢

作一貼水薑煎服

六君子湯

人參

白朮

炙

茯苓

各錢

半夏

陳皮

各錢

甘草

炙五分

作一貼薑棗水煎服

內踈黃連湯

一名黃連內踈湯

黃連

山梔子

芍藥

當歸

木香

薄荷

各錢

連翹

黃芩

甘草

各錢

大黃

枳實

桔梗

各錢

右剉每服五錢水煎服

十宣散

又名十奇散
五六日間欲

膿消毒之如
等服之若至

一治

或久不愈及不作痛脈微數或大而無功宜服托裏藥為主間服此藥

桔梗

人參

當歸

川芎

各二錢

生粉草

五分

黃芪

鹽湯浸炒一錢

厚朴

薑製

白芷

防風

桂

各五分

右剉每服一兩水煎服

小柴胡湯

半夏

二兩半

柴胡

半斤

黃芩

人參

甘草

炙各二兩

每服一兩薑水煎服

商氏醫按
夕和心法卷之十

防風通聖散

芍藥 焙

芒硝

滑石 煨

川芎

當歸 酒洗

桔梗

石膏 煨

荆芥

麻黃 各四分半

薄荷

大黃 煨

山梔 焙

白朮 焙

連翹

甘草 炙

防風

黃芩 焙各八分

作一劑水薑煎服

劑防敗毒散

芎藭

茯苓

枳殼

前胡

柴胡

羌活

獨活

荆芥

防風

各一錢

每服一兩水煎服

黃連解毒湯

黃芩

黃栢

黃連

山梔

各一錢半

每服六錢水煎溫服

四物湯

當歸

酒拌

川芎

芍藥

生地黃

各等分

每服一兩水煎服

大黃牡丹湯

大黃

四兩

牡丹皮

三兩

芒硝

二兩

桃仁

五十箇

每服五錢水煎服

隔蒜灸法

用大蒜去皮切三文銅錢厚安瘡頭上用艾壯於蒜上灸之至三壯換蒜片復灸瘡痛者灸至不痛不痛灸至痛未成者即消如瘡大用蒜搗爛攤患處將艾鋪上燒之蒜敗再換

清涼飲

連翹 一兩

山梔子

大黃

薄荷葉

黃芩 各五分

甘草 一兩半

朴硝 二錢半

每服一兩水煎服

十全大補湯

人參

肉桂

地黃 酒洗蒸焙

川芎

白芍藥

茯苓

白朮

黃耆

甘草

當歸 各等分

每服一兩薑棗水煎空心溫服

八珍湯 又名八物湯

當歸

川芎

芍藥

熟地

人參

白朮

茯苓 各一錢

甘草 炙三分

每服一兩薑棗水煎空心溫服

加味十全大補湯

人參

肉桂

地黃

川芎

白芍藥

茯苓

白朮

黃耆

甘草

當歸

烏藥

香附分

每劑一兩薑棗水煎空心溫服

補中益氣湯

黃耆 一錢

甘草 炙五分

人參 三分已上

橘皮 三分

升麻 二分

當歸身 焙乾 二分酒

柴胡 三分

白朮 二分

作一貼用水二盞煎一盞空心熱服量氣虛實斟

酌加減用之

聖愈湯

熟地黃

生地黃

川芎

人參

當歸身

黃耆各錢

作一貼水煎

人參養榮湯

白芍藥三兩

當歸

陳皮

黃耆蜜炙

桂心

人參

白朮

甘草炙各一兩

熟地黃

五味子

茯苓各七錢半

遠志炒去心半兩

每服一兩水薑棗煎遺精加龍骨咳嗽加阿膠

加減八味丸

大地黃洗焙乾却用酒酒釀上蒸七次焙乾二兩

山藥

山茱萸

去核取肉焙各一兩

厚桂

去皮不見火半兩

白牡丹皮

澤瀉

水洗切作塊酒蒸五次切焙

白茯苓

去皮焙各八錢

真北五味子

累炒一兩半

右爲細末煉蜜圓如梧子大每服六十九五更初

未言語前用温酒或盐湯吞下

遠志酒

遠志

不拘多少泔浸洗去土搥去心

右爲末每服三錢用酒一盞調遲少頃澄清飲之

以滓付患處治女人乳癰尤效

黃耆建中湯

黃耆 蜜制衣

肉桂 去皮名

甘草 炙二兩

白芍藥 六兩

每服一兩薑棗水煎服

內補黃耆湯

黃耆 炙

麥門冬 各一兩

熟地黃

未人參

茯苓

甘草 炙名七分

白芍

川芎

官桂

遠志

當歸 各五分

每服一兩薑棗水煎服

逍遙散

甘草 一錢

當歸 炒

芍藥 酒炒

茯苓

白朮 炒

柴胡 各二錢

水一鍾煎八分去粗食遠服

栝子丸

栝子仁 四兩

牛膝

卷栝 各五錢

澤蘭葉

續斷 各一兩

熟地黃 一兩五錢

爲末煉蜜丸如梧子大每服二十九空心米飲下

澤蘭湯

澤蘭葉 三錢

當歸

芍藥 各一錢五分

甘草 五分

作一貼水煎溫服

連翹消毒散

連翹 一兩

山梔子

大黃

薄荷葉

黃芩 各五錢

甘草 一兩半

朴硝 二錢半

每服一兩水煎溫服

理中湯 加附子名附子理中湯為木蜜為丸

人參

乾薑 炮

白朮

甘草 炙

每服五錢薑棗煎服

三神丸

破故紙

炒四兩

肉苳蔻

生一兩

右為末大肥棗四十九枚生薑四兩切同煮棗爛

去薑取棗肉研膏入藥圓如梧子大每服五十九

鹽湯下一方不用薑

竹葉黃耆湯

淡竹葉

二錢

生地黃

麥門冬

去心

黃耆

當歸

酒洗

川芎

甘草

炙

黃芩

炙

芍藥

焙

人參

半夏

薑製

石膏

煨各一錢

作一貼水煎食遠服

黃耆六一湯

黃耆

六錢
蜜炙

甘草

二錢
炙

作一貼水煎食遠服

七味白朮散

白朮

茯苓

去皮

人參

各半兩

甘草

炙一兩半

木香

二錢半

藿香

半兩

葛根

一兩

右為末每服五錢白湯調下

猪蹄湯

香白芷

黃芩

赤芍藥

人生非草

當歸

羌活

露蜂房

取有蜂兒者

右先將豬蹄一隻用水數碗熟煮取清汁分作二

次用每次人前藥一兩煎十數沸去滓無風處淋

洗死肉惡隨洗而下極效

太乙膏

玄參

白芷

當歸

肉桂

大黃

赤芍藥

生地黃

各一兩

右為咀用麻油二斤煎至黑瀝去查入黃丹十二兩再煎滴水中成珠為度

補真丸

肉蓯蓉

酒浸焙

葫蘆巴

炒

附子

炮去皮

陽起石

煨

兔絲子

淨洗酒浸

肉豆蔻

麩裹

川烏

炮去皮

沉香

五味子

各五錢

鹿茸

酒浸焙

巴戟

去心

鍾乳粉

各一兩

右為末用羊腰子兩對治如食法葱椒酒煮搗爛

入酒糊丸如梧子大每服七十九空心米飲盪湯

任下

玄參升麻湯

玄參

赤芍藥

升麻

犀角屑

桔梗

管仲

黃芩 各一錢

甘草 五分

作一貼水薑煎食後服

犀角升麻湯

犀角 七錢半

升麻 五錢

防風

羌活

白芷

川芎

黃芩

白附子 各二錢半

甘草 一錢半

每服一兩水煎熟入犀角末服

清胃散

生地黄

一錢 酒洗

升麻

二錢

牡丹皮

一錢 半

黃連

當歸

酒洗各一錢

作一貼水煎食遠服

清咽利隔散

金銀花

防風

荊芥

薄荷

桔梗

黃芩

黃連

各一錢半

山梔

連翹

各一錢

玄參

大黃

煨

朴硝

牛蒡子

甘草

各七分

作一貼水煎服

聰耳益氣湯

黃耆 錢

甘草 各五錢

人參 三分

當歸 二分 酒焙乾

橘皮 二分

升麻 二分

柴胡 三分

白朮 二分

菖蒲

防風

荆芥

作一服水煎空心服

防風通氣湯

羌活

獨活 各二錢

防風

甘草 炙

藁本 各一錢

川芎 五錢

蔓荊子 二錢

分二貼水煎服

豆豉餅

用江西豆豉為末唾津和做餅如錢大厚如三文
置患處以艾壯灸之餅乾再用唾津和之如瘡大
用水調覆患處以艾鋪上燒之

流氣飲 即十宣散加紫蘇烏藥枳殼枳櫛芍藥木香

獨參湯

人參 二兩

作一貼水煎服若煎至稠厚即為膏

補腎丸

巴戟去心

山藥

補骨脂炒

小茴香炒

牡丹皮各五錢

肉蓯蓉酒洗

枸杞子一兩

青鹽二錢半 後入

為末蜜丸梧子大每服五十九丸空心鹽湯下

地骨皮散

人參

地骨皮

柴胡

黃耆

生地黄各一錢半

白茯苓

知母

石膏煨各一錢

水薑煎服

金鑰匙

焰硝 一兩 五錢

鵬磬 五錢

腦子 一字

白殭蚕 一錢 炒

雄黃 一錢

各另為末以竹管吹入喉中立愈有涎吐出肉即

荆防敗毒散

必效散

南鵬砂 二錢 五分

輕粉 一錢

麝香 五分

巴豆 五箇 去皮心膜

白檳榔 一箇

斑猫 四十箇 去頭 趨同糯米炒

右同研極細取雞子二箇去黃用清調藥仍入葷

內以湯水浸重糊口毋令透氣蒸飯熟

取出曝乾研末虛者每服半錢實者一錢用炒生
薑酒五更初調服至天明惡物自下如覺小腹作
痛便服蘇麻子灰并沒藥各等分研細用茶清調
下一錢或益元散其毒俱從大腸而出胎婦勿餌
更服益氣藥數十劑則瘡口自合氣血自充庶無
變證矣

散腫潰堅丸

知母

酒浸炒

黃栢

酒洗炒

瓜蒌根

酒洗

昆布

桔梗

各半兩

廣茂

三稜

酒洗炒

連翹

各三錢

升麻

六錢

黃連

白芍藥

葛根

各二錢

草龍膽

酒一兩炒

柴胡

四錢

當歸

酒拌三錢

甘草

三錢

黃芩

稍洗二錢一半生

為末蜜丸如梧子大每服五十九丸滾湯下

香附餅

用香附為末酒和量瘡大小作餅覆患處以熱熨

斗熨之

內塞散

附子

炮

官桂

去皮

赤小豆

甘草

炙

黃耆

鹽水浸炒

當歸

酒洗

茯苓

白芷

桔梗

川芎

人參

遠志

去心

厚朴

薑製各一兩

防風

四錢

右為末每服二錢空心溫酒下

神效瓜蒌散

瓜蒌

大者箇搗

甘草

半兩

川當歸

兩半

沒藥

另研

乳香

各一錢另研

作一劑用酒三碗煎至二碗分三次食後飲粗熱

菴患處

黃連胡粉散

黃連 二兩

胡粉 一錢

水銀 一兩同粉研令消

三味相和用皮包裹熱按良久付患處

桃仁湯

桃仁

蘇木 各一兩

生地黄 五錢

蚘蟲 去足翅炒

水蛭 各三寸筒炒

每服三錢水一鍾煎六分空心服

沒藥丸

當歸 一兩

桂心

芍藥 各半兩

桃仁 去皮尖炒碎研

沒藥 研各三錢

蚘蟲 去足翅炒

水蛭 炒各三十箇

右為末醋糊丸梧子大每服三五丸空心醋湯下

當歸丸

當歸

半兩

大黃

桂心

各三錢

赤芍藥

葶藶

各二錢

人參

一錢

其遂

半錢

煉蜜為丸如彈子大空心米飲化下一丸

當歸散

當歸

川山甲

灰炒

蒲黃

各半兩炒

辰砂

一錢

麝香

少許

為末每服三錢熱酒調下如不飲酒薄荷醋湯亦

可

瓜子仁湯

薏苡仁 四錢

桃仁 去皮

牡丹皮

瓜蒌仁 各二錢

作一貼水煎食前服

瀉白散

桑皮 炙

桔梗

括蔞實

升麻

半夏

杏仁 去皮尖炒

地骨皮 各一錢

甘草 五分

作一貼薑水煎服

神仙活命飲

專治一切癰疽腫毒

川山甲

蛤粉炒
黃色

甘草節

防風

沒藥

赤芍藥

白芷

各六分

當歸尾

皂角刺

各一錢

乳香

一錢

天花粉

貝母

各八分

金銀花

三錢

陳皮

三錢

作一服用酒一大碗同入瓶內紙糊瓶口弗令泄氣慢火煎數沸去粗病在上食後服病在下食前服能飲酒者服藥後再飲三兩杯尤好

詩

真人妙訣世間稀

一切癰疽總可醫

曰 消毒如同湯沃雪 化膿立見肉生肌

蠟礬丸

白礬

一兩明亮好者研

黃蠟

一兩黃色好者溶開候溫入礬末一方用七錢

二味勻和丸梧桐子大每服十九漸加至二十九

熟水或溫酒送下瘡未成內消已破即合如服金

石而致此疾者更用礬末一兩每服一錢以溫酒

調下有遍身生瘡狀如蛇頭名曰蛇頭瘡服此尤

效東垣丹溪俱稱奇方但日服百粒方有力也此

藥能防毒氣內攻又能護膜不可以其輕微而忽

之一方治蛇咬亦用白礬溶化熱滴傷處毒即出

痛即止

四君子湯

人參

甘草

炙五分

姜水煎服

人參敗毒散

人參

羌活

獨活

前胡

柴胡

枳殼

桔梗

川芎

茯苓

甘草

各一錢

茯苓

白朮

各二錢

作一貼水煎服

清咽消毒散

即荆防敗毒散加岑連硝黃

金黃散

滑石

甘草

各為末等分付搽

龍膽瀉肝湯

柴胡

澤瀉

各一錢

車前子

木通

各五分

生地黃

當歸尾

酒洗

草龍膽

酒浸炒黃
色各三錢

作一貼水煎食前服

神異膏

露蜂房

蜂見多者一兩

全蛇蛻

鹽水洗淨焙乾半兩

玄參

半兩

綿黃耆

三分

黃丹

五兩

杏仁

去皮尖一兩

真麻油

一斤

男子亂髮

洗淨如雞子大

先以玄參杏仁黃耆入油煎至將黑色方入蜂房

蛇蛻亂髮再煎至色黑濾去粗徐徐下黃丹慢火

煎以柳枝不住手攪滴水中不散即成膏矣

冲和膏 治一切瘡腫不甚焮熱積日不消

紫荆皮

炒五兩

濁活

去節炒三兩

赤芍藥

炒二兩

白芷

一兩

芎藭

一兩

右為末葱頭煎湯調搽

神功散

黃栢炒

川烏炮

各等分為末唾津調付

大連翹飲

連翹

瞿麥

荆芥

木通

赤芍藥

當歸

防風

柴胡

滑石

蟬蛻

甘草炒各一錢

山梔

黃芩各五分

為細末每服一二錢滾湯調下

通氣散

玄胡索 一兩 五錢

猪牙皂角

川芎 一兩

羊躑躅 二錢 五分

右為細末以紙撚蘸少許入鼻內取嚏為效

羌活勝濕湯

羌活 去芦

獨活 去芦 各一錢

藜蘆

防風 去芦 各半錢

川芎 二分

甘草 炙半錢

蔓荊子 二分

作一貼薑水煎服

附子八物湯

附子 炮

乾薑 炮

芍藥 炒

茯苓

人參

甘草 炙各一錢五分

肉桂 一錢

白朮 二錢炒

作一貼水煎食前服

加減小續命湯

麻黃 去節

人參

黃芩

芍藥

甘草

杏仁 去皮尖炒

防己

肉桂 各一兩半

附子 炮去皮

川芎

防風 各一兩五錢

附子 五錢

每服一兩薑水煎服

活寄生湯

白茯苓

杜仲

當歸

酒洗

防風

白芍藥

人參

細辛

桂心

熟地黃

牛膝

秦艽

芎藭

桑寄生

甘草

各二兩

獨活

三兩

薑水煎服每服一兩

四生散

白附子

黃耆

獨活

沙苑蒺藜

為末各等每服二錢用猪腰子一箇批開入藥濕紙包裹煨熟細嚼鹽湯下風癱酒下亦效

八風散

藿香 半斤

白芷

前胡 各一斤

黃耆

甘草

人參 各二斤

羌活

防風 各三斤

右為末每服四錢薄荷煎滾湯調服

人參荆芥散

荆芥穗

人參

桂心

生地黃

北柴胡

鱉甲

枳殼 麩炒

酸棗仁 炒

羚羊角 剉細

白朮 各二錢四分

川芎

當歸

防風

甘草 炙各一錢六分

分二貼水薑煎服

消風散

荆芥穗

甘草 炒各二兩

陳皮 焙半兩

人參

白殭蚕 炒

茯苓

防風

芎藭

藿香

蟬蛻 各二兩

厚朴 半兩薑製

羌活 一兩

右為末每服三錢茶清調下瘡癬溫酒下

何首烏散

何首烏

防風

蒺藜

枳殼

胡麻子

天麻

僵蚕

芫蔚子

各等分

每服五錢茵陳湯調下

神效當歸膏

當歸

黃蠟

各一兩一方用白蠟尤效

麻油

四兩

先將當歸入油煎至黑慮去入蠟溶化即成膏矣

乳香定痛丸

乳香

沒藥

各另研

羌活

五靈脂

獨活

各三錢

川芎

當歸

真桑豆粉

交趾桂

川白芷

白膠香

各半兩

右為末煉蜜丸如彈子大每服一丸細嚼薄荷湯送下手足損痛不能舉動加草烏用五錢鹽湯下

五積散

蒼朮

十二兩

桔梗

十兩

陳皮

六兩

白芷

甘草

炙

當歸

川芎

一兩半

芍藥

一半夏

茯苓 各一兩

麻黃 去鱗二兩

乾薑 春夏兩半 秋冬二兩

枳殼

桂心

厚朴 薑製各二兩

每服一兩水薑棗煎食前溫服

舒筋湯

片子薑黃

甘草 炙

羌活 各一錢

當歸 酒洗

赤芍藥

白朮

海桐皮 各二錢

作一貼薑水煎服

四生丸

地龍 去土

白附子

五靈脂

草烏去皮尖

薑蚕各等分

右為末用米糊丸如梧子大每服二十九茶酒任

下或作末酒調服亦可

大防風湯

熟地黄酒洗兩

白木二兩

羌活一兩

人參一兩

川芎

附子炮去皮臍各一兩半

防風二兩

甘草炙一兩

牛膝酒浸一兩

川當歸酒浸焙

黃耆炙

杜仲薑製

白芍藥各二兩

每服一兩水薑煎服

盧薈丸

大皂角

青黛

蘆薈 研

硃砂 另研

乾蝦蟇 同皂角 燒存性 一兩

麝香 一錢

右爲末蒸餅糊丸如麻子大每服二十九空心米

湯下

當歸拈痛湯

羌活 半兩

人參

苦參 酒製

升麻

葛根

蒼朮

甘草 炙

黃芩 酒製

防風

知母 酒炒

猪苓

茵陳葉

白朮 各二錢

澤瀉

當歸身 各三錢

每服一兩水煎空心并臨睡服

清震湯

升麻

柴胡

蒼朮

黃芩 各半錢

甘草 炙二分

藁本 二分

當歸身 二分

麻黃根

防風

猪苓 各二分

羌活

酒黃蘗 各一錢

紅花 五分

澤瀉 四分

作一服水煎臨睡服

補肝湯

黃耆 七分

人參

葛根

白茯苓 各三分

升麻

猪苓 各四分

柴胡

羌活

知母

連翹

澤瀉

當歸身

防風

蒼朮

麴末

炒黃蘗

陳皮 各二分

炙甘草 半錢

作一服水煎空心熱服

芍藥湯

芍藥 四錢

當歸

黃連

黃芩

官桂

各二錢

檳榔

一錢

葶草

炙一錢

木香

八分

大黃

二錢

分二貼水煎服如後重加大黃臙毒加黃栢

清燥湯

白朮

黃耆

黃連

各一錢

蒼朮

半一錢

白茯苓

當歸

陳皮

各一錢

生地黄

人參

各七分

神麴

炒

猪苓

麥門冬

去心

黃栢

酒炒

甘草

澤瀉

各半錢

柴胡

升麻

各三分

手入安日安

卜斗心去卷之三

三五

作一服水煎服

黃連丸

用黃連吳茱萸各等分用湯漉過一二日同炒
揀出各另為末米糊為丸如梧子大每服二三錢
糞前紅服茱萸丸糞後紅服黃連丸俱酒下

黃連消毒散

方見第一卷

還少丹

肉蓯蓉

遠志

茴香

巴戟

枸杞子

山藥

牛膝

熟地黃

石菖蒲

杜仲

五味子

白茯苓

楮實子

山茱萸

另為末各等分用棗肉同蜜丸如梧子大每服五
十丸空心酒下

蟠葱丸

肉桂

乾薑

炮各二兩

蒼朮

甘草

炙各半斤

縮砂

丁皮

檳榔

各四兩

蓬朮

三稜

煨

茯苓

青皮

去白各六兩

延胡索

二兩

為末每服五錢葱湯空心調服

葫蘆巴丸

葫蘆巴

炒一斤

茴香

夫臍炒十二兩

吳茱萸

湯洗七次炒十二兩

川練子

炒一斤二兩

大巴戟

去心炒

川烏

炮去皮尖各六兩

右爲末酒糊如梧桐子大每服十五丸空心溫酒下小兒茴香湯下

搗腫湯

甘草

乾漆

各三兩

黃芩

生地黄

當歸

川芎

各三兩

龜甲

炙五兩

用水數碗煎良久去粗搗洗患處

菖蒲散

菖蒲

當歸炒各一兩

秦艽三錢

吳茱萸半兩製

每服一兩葱水煎空心服

清心蓮子飲

黃芩五錢

黃耆蜜炙

石蓮肉去心

赤茯苓

人參各七錢半

甘草炙

車前子炒

麥門冬去心

地骨皮各五錢

每服一兩水煎服發熱加柴胡薄荷

班龍丸

鹿茸 酥炙 爲末

山藥 爲末

熟地黃 酒蒸 搗膏

栝子仁 搗膏

兔絲子 各等分

蜜丸 梧子大每服八十九 空心鹽湯下

滋腎丸

肉桂 一錢半

黃栢 三兩酒 拌陰乾

知母 二兩酒 浸陰乾

爲末 滾湯丸 如梧子大每服八十九 百沸湯下

茯兔丸

兔絲子 五兩

白茯苓 二兩

石蓮肉 去心 三兩

酒糊丸 梧子大每服五十丸 空心鹽湯下

復元活血湯

柴胡 五錢

天花粉

當歸 各三錢

紅花

甘草 各二錢

川山甲 二錢

大黃 酒浸一兩

桃仁 酒浸五十箇研如泥

每服一兩水煎食前服

逐藥降聖丹

自然銅 火煨醋淬十次為末一兩 川烏頭 炮去臍 骨碎補 炙

白芍藥 沒藥 另研 當歸 焙

乳香 各研 生地黃 川芎

蘇木 各一兩

若為末生薑汁與蜜和丸每一兩作四丸每服一

丸水酒各半盞煎至八分空心熱服

乳香定痛散 治諸瘡潰爛疼痛諸藥不應有效

乳香

沒藥 各二錢

滑石

寒水石

煨各四錢

冰片

一分

右為細末搽患處痛即止

青州白丸子

白附子

二兩

半夏

薑製七兩

南星

二兩

川烏

炮去皮尖臍半兩

為末用糯米糊丸如菉豆大每服二十丸生薑湯

下癱瘓溫酒下小兒驚風薄荷湯下

五寶散 凡證最多詳見婦人長方

五寶脂

蒲黃 炒各等分

右為末每服二錢醋湯調服

解毒散

黃連

黃丹

松香 各錢

輕粉

雄黃 各錢

為末用麻油調搽

五福化毒丹

玄參

桔梗 各二兩半

茯苓 三兩半

人參

牙硝

青黛 各一兩

甘草 七錢

麝香 少許

金銀箔 各十片

右為末煉蜜丸芡實大每服一丸薄荷湯化下痘
毒上攻口齒生瘡以生地黃汁化服及用雞翎付

患處

連翹丸

連翹

桑白皮

防風 去葉

黃柏

肉桂 去粗皮

白頭翁

香豉

獨活

秦艽

牡丹皮 各二兩

海藻 二錢

右為末煉蜜丸如梧子大每服十丸燈心湯下

金銀花散

金銀花

黃耆

甘草 各等分

右為細末每服一錢滾湯調入酒少許服

葛根橘皮湯

葛根

陳皮

杏仁

麻黃

去節

知母

黃芩

甘草 各等分

每服二錢水煎服

龍膽丸

毒天...

小斗心去卷之七

三十一

龍膽草

升麻

防風

苦練根皮

赤茯苓

蘆薈

油髮灰

各二錢

青黛

黃連

各三錢

猪膽浸糕丸如麻子大每服二十九薄荷湯下

冠黃清肺飲

桑白皮

半兩

紫蘇

前胡

防風

赤茯苓

黃芩

當歸

連翹

天門冬去心

桔梗

甘草

生地黄各

每服三錢水煎食後服次進化墜丸

化鹽丸

燕萸

青黛

蘆薈

蝦蟇灰

川芎

白芷

胡黃連

各等分

猪膽浸糕丸如麻子大每服十丸食後并臨卧吞

仁湯下

大蘆薈丸

胡黃連

黃連

蘆薈

木香

白燕萸

青皮

雷丸

用白者

鶴虱

各半兩炒

麝香

二錢另研

用粟米飯丸菜豆大每服一二千丸米飲下

六味地黃丸

熟地黃

八錢酒搗膏

山藥

山菜萸肉

各四錢

牡丹皮

白者

澤瀉

茯苓

各三錢

和勻入蜜少許丸梧子大每服四五十丸空心鹽湯下

槐花酒

用槐花四五兩少微煮柔熟入酒二鍾煎十餘滾

去粗熱服未成者二三服已成者一二服胃寒者

勿服

黃蓮消毒飲

即普蓮消毒散方見第一卷

紫金錠

一名神仙追毒丸又名大王追毒丸一切瘡癩

五倍子

焙三兩

山茨菇

焙二兩

麝香

三錢別研入

紅牙大戟

焙一兩半

隨續子

去殼去油一兩研入

右除續隨子麝香外三味為細末却入研藥令勻用糯米煮濃飲為丸分為四十錠每服半錠各依

後項湯使服如治一切藥毒蠱毒瘴氣喫死牛馬

駝驢等肉毒發惡瘡癰疽發背無名疔腫及蛇犬

惡蟲所傷湯盪火燒急喉閉纏喉風諸般頭風牙

疼用涼水磨搽并治四時瘟疫感冒風寒暑熱悶

亂及自縊溺水鬼迷驚死未經隔宿心頭微溫並
用涼水磨灌良久復甦男子婦人急中顛邪鬼氣
狂亂及打撲傷損中風中氣口眼喎邪牙關緊急
語言蹇澁筋脉攣縮骨節風腫手脚疼痛行履艱
辛應是風氣並用熱酒磨服小兒急慢驚風八疳
五痢脾病黃腫癰疹瘡瘤並用蜜水磨服并搽有
効諸般瘡疾不問新久發日用桃柳枝煎湯磨服

王真散

天南星

防風

各等分

右為末每服一錢溫酒送下患處亦當以此敷之

若牙關緊急腰背反張者非加一錢用童便調服
雖內有瘀血亦愈至於昏死而心腹尚溫者則速
進二服亦可保全又能治顛狗咬傷其法用口吻
水洗淨搽之衛生寶鑑名定風散即此是也

奪命丹

蟾酥

輕粉 各半

硃砂 二錢

白礬 精

寒水石 煨

銅綠 各一錢

蝮牛 別研二箇

乳香

沒藥

麝香 各一錢

將蟾酥用酒浸化和丸如棗豆大每服二丸溫酒

下葱湯亦可

茯苓丸

茯苓 一兩

半夏 二兩

枳殼 五錢

風化朴硝 一兩

薑汁糊丸梧子大每服二十九食後薑湯下

控涎丹 詳見痰飲門

比遂 去心

大戟

真白芥子

各等分

糊丸梧子大每服五七丸臨卧薑湯服

製甘草法 詳見外科精要

每大甘草一兩用潤水一碗浸透以慢火炙乾

按前水浸透再灸灸至水乾為度却剉細用無灰酒一盞煎至七八分去粗空心飲之

五苓散

澤瀉一錢二分

肉桂五分

白朮

赤茯苓

豬苓

各一錢

作一貼水煎服

忍冬酒

一名金銀花 一名鷺鷥藤詳見外科精要

忍冬藤

生者四五兩如乾者只用一兩搗

大耳草節

生用

二味入砂器內以水二盞慢火煎至一盞再入

灰酒一盞再煎十餘沸去粗飲之粗敷患處

回陽玉龍膏 治癰腫堅硬不痛肉色不變久而不

不潰或潰而不斂或骨攣骨痛及一切冷症

草烏 三兩 炒

南星 一兩 煨

軍薑 二兩 煨

白芷 一兩

肉桂 半兩

赤芍藥 一兩 炒

為末葱湯調搽

蛇床子散治一切風癱疥癩

蛇床子

獨活

苦參

防風

荆芥

枯礬

銅綠 各一兩

各另為末麻油調搽